## 庫全書

子部

欽定四庫全

說邪卷一百十上

員外即臣牛稔文覆勘 詳校官監察便上徐如湖

校對官編修臣陳崇本 總校官編修臣倉聖脈 腾碌监生臣王

詔

こりられたけ 始即 F 記鄉 指商第第内灌課食時商 審悉幽隱其毋諱匿朕將 擇賢作健隆代所先故 以丙戌詔書下中 貞靜之德流聞禁校 陶宗儀 採

鼻輔靨頗頷位置均適妨尋脫瑩步搖仲髻度髮如黝 法相超留外舍饷以詔書如瑩燕處屏斥接侍閉中問 子時日咎簿辰穿照蜃愈光送考瑩面上如朝霞 女瑩從中問細步到寝妈與超如詔書問視動止俱 加鞠崔耳瑩泣數行下閉目轉面內向姁為手緩捧著 賴抵欄向告堂口官家重禮借見朽落緩此結束當 射不能正視目波溢鮮眉嫩連卷朱口皓齒脩 可鑒園手八盤隆地加半 握己乙緩私小結束瑩面 耳懸 和雪 合

鱼角四月全量

禁中人之不得音響的令推謝皇帝萬年瑩乃徐拜 寸足長八寸逕跗豐妍底平指飲約練迫林收束微 尺七寸指去掌四寸肖十竹的削也髀至足長三尺二 寸局廣一尺六寸臀視局廣減三寸自肩至指長各二 膚膚足飾肉肉足胃骨長短合度自顛至底長七尺 渥丹火齊欲吐此守禮謹嚴處女也約畧瑩體血足榮 玉智乳嵌發臍容半寸許珠私處墳起為展雨股陰溝 日光芳氣噴襲肌理腻潔拊不留手規前方後築脂 記律 刻

奏曰謹按春秋迎王后于紀在途則稱后故大將軍栗 陷及口鼻腋私足諸過臣妄始女賤愚憨言不宜心書 **凡忠疾商女今大将軍參錄尚書事東氏庭冀女弟膺** 闊目所未見不謂爭達如爾明日詔下有司議禮有司 殿發紙歡喜顧語帝曰各入宫後知有幼妹然中外 皇帝萬年若微風振蕭幽鳴可聽不痔不瘍無黑子創 不符見謹秘織昧死以聞時夜漏三下太后猶御壽安 紹聖善舊惕潜鄉結婚之際有命既集宜備禮章時進

銀兌

匹库全書

M

表一百十上

冀頓首再拜承制乙酉皇帝制詔大將軍參錄尚書事 とうころ 欽承前與商奉儀制大將軍參錄尚書事東戊冀上臣 故大將軍東氏忠侯商之遺女未嫻訓誠衣履若而人 **侯真乾施坤受實始人經不有配儷昌奉天地宗廟爰** 故事於六月癸未皇帝制詔大將軍參錄尚書事東氏 謀公卿成謂宜率前典令使使持節太常弘宗正千秋 徵幣請下三公太常案禮儀奏可一 以禮納米主人曰皇帝嘉命訪婚恆族備數米擇臣父 說那 準孝惠皇帝納后

侯桂之外孫年十六欽承前與肅奉儀制戊子皇帝制 雅之孫先臣故大將軍東氏忠戾商之遺女外出自先 先臣故褒親愍侯姚之曾孫先臣故少府特進東氏侯 **瑩父母所生先臣故九江太守定陵鄉侯統之遺玄孫** 臣故侍中嗣陽侯萬全之外曾孫先臣故大鴻臚嗣陽 東氏矣冀兩儀配儷承天統物正位于内必竢令族重 口皇帝嘉命使者弘到重宣中詔問臣名族臣女弟女 舊典今使使持節太常弘宗正千秋以禮問名主人

多好四届全書

卷一百十

安如山如河宜奉宗廟永承天作以黄金二萬斤馬十 軍參錄尚書事東氏侯冀之女弟有母儀之德窈窕之 鄙憂懼不勝欽承前典肅奉儀制辛卯皇帝制詔大將 **敬從典禮令使使持節太常弘宗正千秋以禮納吉主** 以禮納徵主人曰皇帝嘉命降婚早陋崇以上公寵以 人口皇帝嘉命使者弘重宣中詔太卜元吉臣陋族早 詔大將軍參錄尚書事東氏矣冀人謀龜從僉曰貞吉 というられたない 一匹玄纁穀璧以章典禮令使使持節司徒戒太常弘 記郭

期主人口皇帝嘉命使弘重宣中詔吉日惟今月庚子 将軍參錄尚書事東氏矣其謀于公卿大策元龜問有 典禮備物典策欽承前典肅奉儀制甲午皇帝制詔大 者喬重宣中诏令月吉辰備禮以迎上公宗卿兼至副 今使使持節太尉喬司徒戒以迎主人曰皇帝嘉命使 不抵率遵典禮令使使持即太常弘宗正十秋以禮詩 錄尚書事東八矣冀歲吉月令吉日惟庚子率禮以迎 可迎臣欽承前與肅奉儀制度子皇帝制詔大將軍參

金好四月石重

鎮加以翡翠朱舄袜來法駕重翟羽益金根車駕青交 旂九斿大将軍妻參東太僕妻御車府令設鹵簿屬車 路青帷裳旗畫朝黃金塗五末蓋番施金華駕駟馬龍 典肅奉儀制后服組上立下假警步搖八雀九華十 東其官車帶夫本官緩以從置虎賁羽林騎戎頭黃門 鐵洛陽令奉引公卿五官校尉司禄校尉河南世妻皆 四十六東前鸞旗車皮軒鳳呈闔戟儿存雲罕金鉦黃 介近臣百兩臣蟓蟻之族猥承大禮憂悚惶悸欽承前 とこりき シャラ

祥宜升尊位母儀天下今使太尉喬使持節奉璽緩宗 海內惟爾風嫻內戒德冠後庭有天桃之宜協和鳴 黄床足奉宗廟也朕以寡昧承嗣歷服爰求英淑共臨 鼓吹五時副車女騎夾穀執法御史在前五將導騎 **氏忠侯商女女瑩朕聞任姒佐周綿運八百良以德重** 月乙未詔曰維建和元年八月乙未制詔故大將軍東 東萬騎引至闕下自皇漢迎后未有若斯之盛也至 秋為副立爾為皇后其敬慎中饋以踐乃位無替 卷一百

通知四月全重

杖天下 朕命水與坤維后即位于章德殿太尉使持節奉璽 萬年記黃門鼓吹三通鳴鼓畢羣臣以次出后即位大 昭儀昭儀長跪受以帶皇后皇后伏起拜稱臣妾皇帝 長跪受鹽緩奏于殿前女史授婕好婕好長跪受以授 后稱臣安皇帝萬年畢住位太尉喬授璽綬中常侍超 天子臨軒陛設虎資雄頭五牛旗百官陪位皇后北 . . . 府往盖下東向宗正大長秋西向宗正讀策文畢 面

管搜考弓足原始不得及見約練迫林收束微如禁 被送及六禮冊立事而吳如入后燕處審視一段最 子充印益子充使雲南時篋中書也然御覽諸書亦 漢雜事一卷得于安寧州土知州董氏前有義烏王 為奇點但太穢聚耳不謂真威嚇震人猶得賣選如 有漢雜事而畧不見收此特載漢桓帝懿獻梁皇后 此卷首有秘辛二字不可解要是卷帙甲乙名目余 中語則纏足後漢已自有之言脱于口追駟不及聊

敏定匹犀全書

Į,

卷一百十上

				-
. J. J 2.4.5				志于
1 1				此用塞
Q.		1		<b>耿</b>
护				志于此用塞球漏之消成都楊慎識
<del>د</del>				!
***************************************			 	The state of the s

			3	·欽定匹库全書
			,	Tr.
			# E	k - 6 + 1

大業二年物有司於洛陽故王城東管建東京以越國 修治洛陽還晉家陛下曾封晉王此具驗也帝覽表愴 道令開夔柵道時有術人章仇太翼表奏云陛下是木 1. 1. 1. J.J. 州至京師八百餘里置一十四殿別有宮有正殿發 然有遷都之意即日車為往洛陽改洛州為豫州自豫 公楊素為管東京大監安德公宇文愷為副廢三崤舊 (雅州是破木之衛不可久住開皇之初有童謠云 大業雜記 南宋劉義慶 絕鄉

陽准至于楊子入江三百餘里水面濶四十步造龍舟 南道諸州郡兵夫五十餘萬開通津渠自河起荣澤 欽定匹库全書 十餘所 淮千餘里又發淮南諸州郡兵夫十餘萬開刊溝自山 兩岸為大道種榆柳自東都至江都二十餘里樹蔭相 遲湖南跨洛川北衛谷水宮城東西五里二百步南北 果都大城周迴七十三里一 百五十步西拒王城東越 交好兩驛置一宮為停頓之所自京師至江都離宮四 P 卷一百十工

黃道渠潤二十步上有黃道橋三道過渠二百步至治 水有天津浮橋跨水長一百三十步橋南北有重樓四 端門自建國門南北九里四望成行人由其下中為御 道通泉流渠映带其間端門即宫南正門重樓上重名 門街一名天津街湖一百步道傍植樱桃石榴雨行至 七里城南東西各兩重北三重南臨洛水開大道對端 所各高百餘丈過洛二百步又疏洛水為重津渠潤四 太微觀臨大街直南二十里正當龍門出端門百步有 1.4.5 既鄉

街小陌縱橫相對自重津南行盡六坊有建國門即 銀定四库全書 城行三里有天經宫南二里有仙都宫並置先帝廟堂 仙橋五道時人亦謂之五橋橋南北有華表長四丈各 城南正門也門南二里有甘泉渠疏洛入伊渠上有通 為重樓飾以丹粉洛南有九十六坊洛北有三十坊大 餘步有大提南有民坊各周四里開四門臨大街門並 十步上有浮橋津有時開闔以通樓船入充重津南百 高百餘尺建國門西二里有白虎門西二里至苑城傍 V, 卷一百十 L

居石寫東西二百餘步湖五十餘步深八尺並用青大 腰互相鉤牽亦非常之牢固正當寫口三十步初造寫 石長七八尺厚一尺自上至下積三重並用大鐵為細 過黃道渠橋南道西有右侯衛府出右掖門門傍又西 伊水東北流十餘里入洛端門西一里有右掖門門 とこうらんた 之時鑿池得大窖容千斛許於是填塞寫成不過一 二里有龍天道傷南臨石瀉口即煬帝門師濟闍黎所 南

建國門東五里有長夏門南二里至丹水渠南五里至!

夾道傷北府道術坊並是陰陽梵咒有道術人居之向 東二里有承福門即東城南門南洛水有翊津橋通 渠入洛端門東有左掖門南道左有左侯衛府左掖門 選復毀破前後計用四十萬工以寫三城池水下黃道 而厚大横作行書約經多少綴其一邊牒然今呼為梵 經道場新翻經本從外國來用貝多樹葉形似枇杷葉 即破碎上令濟闍黎呪之後更修補得立二年闍黎亡 剱分四月全重 有百餘家東城東有宣仁門臨大道大小與天津街相 T. 翻

門門東二百步有泰和門並重觀門內即左右藏在藏 樹三里宮城正門曰則天門南去端門五百步則天門 東行二百步有與教門教門一 tựι 街直東七百步有東太陽門東即東城門東街北行 有庫門六重重二十五間間一十七架總一百五十間 たこりをとう 右藏屋兩重總四十間屋大小如左藏出則天門南橫 百餘所每年朝集使停止之處并新户坊東至雙槐 Ū 說鄉 里有重光門即東光正

似東行盡六坊有上春門外夾道南北有東西道諸都

拒周王古城城西即入苑則天門南八十步過横街道 臺臺連右州衛府府西抵右掖門街街西有董庫庫西 里有含嘉門門北即含嘉城城北德猷門出含嘉西有 東有東朝堂道西有西朝堂西連內史省省西連謁者 宅第三院陳王宅第四院代王宅第五院越王宅宅西 西太陽門出門道西南行第一院齊王宅第二院燕王 南玄武門門內即宮出則天門南橫街直西七百步有 圓壁門西有圓璧城城正南有曜儀門南即曜儀城城

鱼为巴尼石量

卷一百十上

受八千石害西至西城西朝堂南第三街第一御史臺 臺西連秘書省省西連尚食庫庫西連右監門府府西 衛府府西連右架衛府府西抵右掖門街街西有子羅 火之口事心馬 醞署署西至 粳米窖坊東朝堂東連門下省省東殿内 連長秋監監西抵右掖門街街西即掌醢署署西連良 即西馬坊坊西抵西城西朝堂第二街北壁第即右聽 省省東連左砌衛府府東即抵左掖門街街東即西錢 倉倉有塩二十萬石子羅倉西有粳米六十餘窖客別 說鄉

**建左禦衛府府東抵左掖門街街東即少府監監東即** 第二街即宣仁門大道大道北即尚書省第三街將作 城東朝堂南第三街第一司隸臺臺東連光禄寺寺東 東連左備身府府東左武衛府府東連左屯衛府府東 坊坊東連東錢坊東朝堂南第二街第一左驍衛府府 每分 巴尼 有量 街有鴻臚寺寺東有司農寺寺東連太常寺寺東抵城 少府監連南監監東至城出東太陽門街北道東第一 連左監門府府東連太府寺寺東抵左掖門街街東即 卷一百十上

至景運門並步廊連市坐宿衛兵水泰門內四十步有 十步有氧陽殿殿墓高几尺從池至鸠尾高一百七十 乾陽門並重樓乾陽門東西亦軒廊周币門內一百二 十步有永泰門門東二百步至會昌門永泰西二百步 都水監監東宗正寺寺東連大理寺寺東城城則天門 尺又十三間二十九架三陛旨作軒文捉鏤禮樂據 Charlet States 兩重觀觀上曰緊後觀左右連闕闕高二十尺門內四 親鄉

監監東連太僕寺寺東至城第四街有衛尉寺寺東連

大二十四圍倚井垂蓮仰之者眩曜南軒垂以珠絲 絡十不至地七尺以防飛鳥四面周以軒廊坐宿衛兵 重紧拱干 小於乾陽殿而雕綺過之乾陽殿東有東上問問東 大殿北三十步有大業門門內四十步有大業殿規模 殿庭左右各有大井井面潤二十尺庭東南西南各有 多分で屋有量 十步又南行六十步有東華門門東四十步道北有 一懸鐘一懸鼓刻漏即在樓下隨刻漏則鳴鐘鼓 構雲楣緣柱華複碧檔窮軒豐之壯麗其柱 卷一百十 L

業文成武安三殿御坐見朝臣則宿衛隨入于其內官 南四十步右延福門出門西行一百步至明福門皆大 閤 成門門內有文成般周以軒廊東華門南四十步左延 各殿庭並種批把海棠石榴青梧桐及諸名樂奇卉東 福門出于東行一百步至章善門街乾陽殿西有西上 火足以早入時 有大井二面潤十餘尺深百餘尺具三殿之內內宮諸 三十步道有武安門門內有武安殿周以軒廊西華門 入内宫問西二十步又行六十步有西華門出門西 說那

士進書皆由此門入景運門內道左有內史內省秘書 尚樂進樂內尚進物皆由此門會昌門內道左有內殿 門東有東宮則天門西二百步有光政門門北三十步 内府左監門内府入章善門橫街東百二十步有重 内省少府内監內尚光祿內厨道右門下內省左六衛 十步有會昌門門北二百步有章善門入內尚食進食 有景運門門北二百步有明福門入内宫命婦入朝學 殿甚多不能盡知則天門東二百步有與教門門北

鱼发世人名言

卷一百十二

周以軒即即官内別供養經像之處出玄靖門橫街東 馬坊入明福門北行三十步有玄靖門門内有玄靖殿 對問闔門直西二百二十步有寶城門出址傍城三里 行四十步有修文殿西行百步有閱閱重門門南北並 內省學士館右監門內府右六衛內府鷹坊內甲庫道 久足り早んち 有仰觀臺高百尺門西即入寶城城內有儀鸞殿殿南 右命婦朝堂惠日法雲二道場通真玉清二玄壇接西 有鳥桲林栗林有葡萄架四行行長百餘步架南射堂 Į. 親鄉 力

院第十六明德院置四品夫人十六人各主一院庭植 流芳院第九耀儀院第十結綺院第十一百福院第 四承華院第五疑暉院第六麗景院第七飛英院第八 絕龍麟渠其第一延光院第二明彩院第三合香院第 无年夏五月築西苑周二百里其內造十六院屈曲周 即西苑之内也 有方諸門門即員壁城出寶城門西行七里至青城宫 善院第十三長春院第十四水樂院第十五清暑

金グロルイー

成結構之魔冠絕今古其十六院例相做效每院各置 鱗渠渠面潤二十步上跨飛橋過橋百步即楊柳修竹 内冬月亦剪絲為芰荷每院開西東南三門門並臨龍 四面鬱茂名花美草隱睽軒陛其中有逍遥亭四面合 人為之具屯內備養芻豢穿池養魚為園種疏植瓜果 とういうした **翰語水陸之產靡所不有具外遊觀之處復有數十** 屯屯即用院名名之屯別置正一人副二人並用宫 Ī 說鄉

名花秋冬即剪雜綠為之色渝則改著新者其池沼之

瀛洲諸山相去各三百步山高出水百餘尺上有通真 **苑內造山為海周十餘里水深數丈其中有方丈蓬萊** 或滅若有神變海北有龍麟渠屈曲周繞十六院入海 觀習靈臺總仙官分在諸山風亭月觀皆以機成或起 泛輕舟畫舸習采菱之歌或升飛橋問道奏春遊之曲 西苑歌管连曙諸府事乃置清夜遊之曲數十首初衛 月明之夜帝引官人三五十騎人定之後開問闔門入 東有曲水池其間有曲水殿工已楔飲之所每秋八月

動分四屋有電

&一百十工

十七尺具內諸殿暴及諸牆院又役十餘萬人河南 尉鄉列權秘書丞韋萬項總監築宮城一時布共夫周 在宣範里西北去宫城七里河南縣在政化里去宫城 橋跨漕渠橋南即入通達市二十門分路入市市 宫城六里大同市周四里在 河南縣西十里出上春門 亚四面有七十萬人城周匝兩重延衰三十餘里高四 火足以早入与 傍雞城南行四百步至漕渠傍渠西行三里至通遠橋 八里在天津街西洛陽縣在德茂里宣仁門道北西去 . 说 さと

其内一 跨水有臨寰橋橋南三里 有豐都市周八里通門十二 漕渠市局六里具內郡國舟船舶爐萬計市南臨洛水 映招致商旅珍奇山積出上春門東十二里有亭子宫 景殿及射堂樓觀池隍十餘里有甘泉官一名芳潤官 宫南臨漕渠東臨積潤池池東二十里有華林園備 **塘臨哉之處建國門西南十二里有景華宮宮內有舍** 交陰通衢相注市四壁有四百餘店重樓延閱互相臨 一百二十行三十餘肆覺瓦齊平遙望如 榆柳

鱼为口人人

卷一百

於楊州造府及樓船水殿 仙飛橋百尺湘青蓮峯客 置宫又勃楊州總管府長 為最大業元年春邊都未 子造臨江宫内有疑暉殿 周十餘里官北通西苑其內多山阜崇峯曲澗秀麗標 樣瞳輕舸等五千餘艘 其中有関風亭及棲雷 į 犯部 及諸堂隍十餘所又物王弘 親行雨臺清暑殿殿南有 月方得成就九月車駕幸 王弘大修江都宫又於楊 |有翠微亭遊賞之美於斯 一般内史舍人封德彝於此 航板關板坊黃篾坊平

以金碧珠翠雕刻奇麗綴 航行次洛口御龍舟皇后御 分定匹库全書 重長秋內侍及東舟水手以素緣大條絕六條兩岸引 朝堂周以軒廊中二重有 江都宫發藻 其引船 湖五十尺長二百尺四重 썙鞋機等每繩一 (並名殿脚 澗日暮宿平樂園 條百八十 卷一百 十八十人並着雜錦綵雅 以流蘇羽葆朱縣網絡 翔螭舟其龍舟高四十 百六十房皆飾以丹粉 傾自漕渠口下東小 重有正殿内殿東西 人分為三番舟 粧 五

綠船並兩重加網絡貴人美人所乘及夫人所東每 殿几名浮景舟並三重珠絲網絡巳下殿脚為兩番 引舟有三百六十人具人並 取 四艘白虎航二十四艘玄武航二十四艘並兩重具架 皇后御次水殿名翔螭舟其殿脚有九百人又有小 トノー・ファニ ハーニラ 番 名為船脚為雨番 番殿脚百人又有朱鳥航二十四艘蒼螭航! 百人諸妃嬪所東又有大朱航三十六名 說鄉 艘 番六十人又 **江淮以南少壮者為** 有飛羽

舟 黃衣夫艘別四十 餘 銀定四月全書 物黄衣夫船別二十人黃篾舫二千艘六品已下九 四道場玄壇僧尼道士坐給黄衣夫船別三十人又 樓船二百五十艘五品已上及諸國蕃官東黃衣 別二十五人 艘官人習水者東之往來供脚 有五樓船五十 重 艘 板榻二百艘載羽儀服飾百官供奉之 人三樓船 番四十人又有青島舸上 艘諸王公主及三品以下 琴一百十二 百二十艘四品官人及 作 及船脚四萬 艘凌波 坐給 有

五人已工黃衣夫四萬餘人又有平乘五百艘青龍五 火毛山早八 從別有步騎十餘萬火兩岸湖舟而行冬十月車駕 餘萬每行次諸部界五百里之內競造食獻多者 部五十日乃盡抽艫相繼二百餘里騎兵翊兩岸二十 百舁于時天下豐樂雖此差科未足為苦文武百司並 已上從官并及五品已上家 口坐並船引給黃衣夫十 百艘艨艟五百艘八推舸二百艘舴艋舸二百艘並十 衛兵所乘并載兵器帳獎兵士自來不給大發洛 說都 .)1)

江都十二月置城阜 關於武牢城西邊黃河汜水之上 成象殿即江都正殿殿南有成象門門南即江都門 捐戲為樂四月初上工監及任洪則開東都漕渠自宫 月大為出楊子幸臨江宫大會賜百僚亦錢於凝暉殿 二年正月帝御成象殿大會設庭燎於江都門朝諸侯 科上户分房入東都住名為部京户四千餘家七月自 城南承福門分洛水東至偃師入洛五月勅江南諸州 江南還洛陽勃於汾州西北四十里臨汾水起汾陽宮

U

人人

尽一百十上

三年帝御崇德殿不怡曰先朝不時御北殿宜於此館 次金地羣黨 項惹首朝見帝 問曰古有先零燒當等種 之西別為一殿因乃造承乾殿後改為航德殿平京 凛然如八九月 染綺楝一日之内嶷然峙立羌人見此莫不驚駁以為 落爾是何者之後對曰相傳彌猴之後帝笑之至治濟 即管涔山河源所出之處當此暑月臨河盥凇即涼風 川橋成乃行先是造觀風行殿三間兩厦丹柱素壁雕

とこりるという

說鄉

典之兆 為崑崙祭人梁都有清冷泉水問潤二里許即衛平所 神異六月動開永濟渠引分 1 得火龜之處清冷水南有橫濱東南至碭山縣西北 北還至東都改胡 林為交林 胡瓜為白路黄瓜改茄子 鱼灯口尼 通潛某忍有大魚似鯉有角從清冷水入通濟渠亦唐 四年二月自京師還東都造天經仙都二宮几月自幕 水東北開渠合渠水至于涿郡二千餘里通龍舟 卷一百 水入河又自汾 一作

香為主尚食直長謝諷造淮南王食經有四時飲 香飲次檀香飲次澤蘭香飲次甘松香飲皆有別法以 五色飲以扶芳葉為青飲後禊根為赤飲酪漿為白飲 としているという 六年四月帝幸瀧川宫避暑十二月初開江南河自京 烏梅漿為玄飲江筀上作為黃飲又作五香飲第一沈 香县美令人不渴先有籌禪師仁壽間常在內供養造 厚凌冬不凋夏月取其葉微火炙使香煮以飲碧深色 五年吳郡送扶芳二百樹其樹蔓生纏繞它樹葉圓而 桂 礼神

口至餘杭郡八百餘里水面潤十餘丈又擬通龍舟驛 飛芳精翠合壁含暉疑碧紫岩澄景最下名尚陽亭亭 山造亭子十二所其最上名翠微亭次関風彩霞臨月 暑宫地即汾河之源上有名山管涔高可干切帝於沿 十年總公東進幸北平榆林宮四月車駕幸汾陽宫避 官草順並足欲東巡會稽 山下又有臨汾殿物從官縱觀 子內皆縱廣二丈四邊安劒關每亭鋪六尺榻子一 銀好四月全書 卷一百十 合

U. 17:51 7.45 官三日朝霞宫 |數萬人於郡東南置宮苑尚十二里其中有離宮十六 所其流暢曲水別有涼殿四所環以清流共四殿一曰 舒芳宫八曰懿樂宫左第一曰朱壁宫二曰椒房宫 圓基二日結為三日飛守而 "四日漏景具十六官亦 以殿名名宫芳夏池之左一曰驪光宫二曰流英宫三 日繁芝宫四日疑華宫五日瑶景宫六日浮綵宫七日 清暑四日珠明宫五日翼仙宫六日翠 說鄉 Ī

一年春正月又劝毘陵郡通守路道德集十郡兵近

微宫七曰會成宫八曰十金宫及江左叛燔燒遂盡又 剑好四母全重 東巡會楷等那羣臣皆不欲 欲於禹穴造宮未就而天下大亂十二月修丹陽宮欲 然一百十上

命雲屯將軍麻叔謀濟黃河入汴堤使勝巨艦叔謀街 十字賜守官女云我夢江都好征遠亦偶然但存顏色 たこりをという 命甚酷以鐵脚木穩試彼淺深豫止謂濟河之夫不忠 在離別只今年車篤既行師徒百萬前驅大橋未就則 將征之攀中留借指血染軟帝意不回因截飛白題二 大業十二年煬帝將幸江都命越王侑留守東都宫女 不隨駕爭泣留帝言遼東小國不足以煩大駕願擇 大業拾遺記 彤 艄 Bp' 說鄉 占

牛御馬伴自都抵汴郡日進御女車車聽垂鮫絹網雅 隊伍死水下至今兒啼聞人言麻胡來即止其訛言畏 人不知名來者異而貢之會帝駕適至因以迎輦名之 長安百御車女袁寶兒年十五腰肢纖墮縣憨多態帝 綴片玉鳴鈴行揺珍瓏以混車中笑語真左右不聞也 廣映釘為刃後隻輪庳下以桑榆為之使滑勁不滯 寵愛之特厚時洛陽進合帶迎輦花云得之嵩山塢中 人皆若是帝離都自日幸宋何妥所進車車前隻輪高

毎分に足る言

尽一百十二

畫鵶黃半未成垂肩彈袖太憨生緣憨却得君王惜長 之帝謂世南曰首傳飛燕可掌上舞朕常謂儒生飾於 時詔虞世南草征遠指揮德音敕於帝側實兒注視久 翠類通草無刺葉圓長溥具香氣穠芬馥或惹襟袖移 今注目於卿卿才人可便嘲之世南應詔為絕句曰學 花外股紫内素腻菲芬粉藥心深紅跗爭兩花枝蘇烘 文字豈人能若是乎及今得實兒方昭前事然多憨態 日不散嗅之令人不多睡帝令實兒持之號曰司花女

とこのは としち

孟

帆絲纜窮極侈靡舟前為對臺臺上垂蔽日簾簾即 把花枝傍輦行上大悦至汴帝御龍舟蕭如來鳳舸錦 吳絳仙肩喜具柔麗不與羣輩齒愛之甚久不移步 雕 晚日激射而光不能透舟科釋妙麗長白女子干 值絳仙下嫁為玉工萬羣妻故不克諧帝寢與罷擢 仙善畫長蛾眉帝色不自禁回輦召絳仙將拜婕妤適 板鏤金撒號為殿脚女一 國所進以負山蛟睫幼連根絲貫小珠間睫編成 日帝将登属舸凭殿脚 雖

多り四月月月

之曰舊曲歌桃葉新雅艷落梅將身傍輕概知是渡江 螺黛不絕帝每倚簾視絳仙移時不去顧內謁者云古 每顆值十金後徵賦不足雜以銅黛給之獨絲仙得賜 龍舟首機號曰崆峒夫人由是殿脚女爭效為長蛾眉 來記殿脚女干輩唱之告越溪進雅光綾綾紋突起有 人言秀色若可餐如絲仙真可療飢矣因吟持概篇賜 司宫史日給螺子黛五科號為蛾綠螺子黛出波斯 光彩越人東樵風舟泛於石帆山下收野繭繰之綠綠 とこのらなら Ų 就鄉 į 國

疾不可為寢帝乃翊之曰箇人無賴是橫波黛染隆顧 如不懌由是二姬稍稍不得親幸帝當醉遊諸宮偶戲 淹文集中壁魚所化也絲織為裳必有奇文織成果符 女夜夢神人告之禹穴三十年一開汝所得野廟即江 陵宫中多效吳言因有儂語也帝昏湎滋深往往為妖 **接小蛾幸得留傻伴成夢不留傻住意如何帝自達廣** 官婢羅羅者羅羅是前妃不敢迎帝且解以有程姬之 所夢故進之帝獨賜司花女洎絳仙它姬莫預蕭如志

到为四月 月章

卷一百

**崇所感管遊吳公宅鷄臺恍惚間與陳後主相遇尚與** 東戰艦與此子北渡爾時麗華最恨方倚臨春閣試東 帝為殿下後主戴車紗皂情青綽裒長裾綠錦純緣緊 俄以綠文測海蠡酌紅粱新釀勸帝帝飲之甚歡因請 擒虎雖青驄車雅萬甲直來衝人都不存去就至今日 之後主云殿下不識此人耶即麗華也每憶桃葉山前 紋方平復舞女數十許羅侍左右中一女迎美帝屢目 たとり早から 郭鋭紫毫筆書小砑紅綃作答江今壁月句未終見輯 Ħ.

陽如有意偏傍小愈明寄碧玉云離別腸應斷相思骨 及寄侍兒碧玉詩小愈云午醉醒來晚無人夢自驚夕 終一曲後主問帝蕭妃何如此人帝曰春廟秋菊各 中出外腰肢已巨無復往時姿態帝再三索之乃徐起 時之秀也後主復誦詩十數篇帝不記之獨爱小愈詩 麗華舞玉樹後庭花麗華白後主解以拋擲歲人自升 不能魔華笑曰當聞此處不留儂會有留儂處安可言 合銷愁蒐若飛散憑仗 相招魔華拜水帝一章解以

金り正た

卷一百

書至今使人快快不悅帝忽悟叱之云何今日尚目我 生百帽實箇好相知麗華棒詩賴然不懌後主問帝龍 帝幸月觀烟景清朗中夜獨與蕭妃起臨前軒簾擺不 為殿下復以往事訊我那隨此聲恍然不見 遊大抵人生各圖快樂曩時何見罪之深邪三十六封 舟之遊樂予始謂殿下致治在竟舜之上今日復此逸 開左右方寢帝凭如肩說東宫時事適有小黃門映薔 ともりはんはる || 不能帝强為之操觚曰見面無多事聞名爾許時坐來 說那 大

安嬢時情態正如此此時雖有性命不復惜矣後得月 被最調官婢衣帶為薔凝腎結笑聲吃吃不止帝望見! 賓被伊作意態不徹是時僕伶心不減今復對蕭娘情 雅孃也迴入寢殿蕭妃前笑不知止帝因曰往年私幸 胺收纖弱意為寶兒有私帝披單衣亟行擒之乃宫婢 惟博山思結夢沈水木成灰又云憶起時投載初報晚 態曾效劉孝綽為雜憶詩常念與妃妃記之否蕭妃承 問即念云憶睡時待來剛不來却難仍索伴解佩更相

剑好四周全量

P

之色荒愈城因此乃建迷樓擇下但稚女居之使衣輕 之咨嗟云日月遍逝今來已是幾年事矣妃因言聞說 被惹者無残枕隱金蚁褒笑動上林中除却司晨鳥聽 羅單蒙倚機望之勢若飛舉人藝名香於四隅烟魚霏 外事也帝當幸昭明文選樓車駕未至先命官城數千 方外摩盗不少幸帝圖之帝曰儂家事一切已託楊素 大色四年公書 一 人昇樓迎侍微風東來宮城衣被風綽直泊局項帝睹 了人生能幾何縱有他變傻終不失作長城公汝無言

霏常若朝霧未散謂為神仙境不我多也樓上張四寶 帳帳各異名一名散春愁二名醉忘歸三名夜酣香四 尤得帝意每寢必召今振聳支節然後成寢別賜名為 每睡須搖頓四體或歌吹齊鼓方就一夢侍兒韓俊娥 名延秋月妆奁寢衣帳各異製帝自達廣陵沉湎失度 单行高下不等女態自搖帝就搖怡悅安今幸承皇后 媚俊娥畏戚進言妄從帝自都城來見帝當在何妥中 來夢兒繭如常密訊俊城口帝體不舒汝能安之豈有他

金分世人名

水果一器帝命小黃門以一雙馳騎賜絳仙遐馬急搖 望幾含情殿脚女自至廣陵悉命備月觀行宫由是絲 解絲仙拜賜不然因附紅箋小簡上進曰驛騎傳雙果 仙等亦不得親付寝殿有郎将自瓜州宣事迴進合歡 為多情又云不信長相憶絲從髮裡生閒米倚樓立相 柱二篇云點點愁使骨綿綿病欲成須知潘岳與强半 日蕭后誣罪去之帝不能止服日登迷樓憶之題東南 恩德侍寝帳下私效車中之態以安帝耳非他媚也

たとりという

=

黃門曰絳仙如何來解怨之深也黃門懼拜而言曰適 四 嫡子帝於宫中當小會為拆字令取左右離合之意時 走馬搖動及月觀果己離解不復連理帝意乃解因言 曰移左畫居右豈非淵字子時人望多歸唐公帝聞之 杏孃侍側帝曰找取杏字為十八日杏孃復解羅字為 曰絲仙不獨貌可觀詩意深切乃女相如也何謝左貴 君王龍念深寧知解帝里無復合歡心帝省草不悅顏 一維帝顧蕭妃曰爾能拆朕字乎不能當醉一盃妃徐 卷一百十上

多月四月百里

蟣風結於兜鍪朕甚憫之俾爾休番從便億戲無煩方 勞之節咨爾髦眾服役甚勤執勞無怠埃塩溢於人髮 月代明所以均勞逸也故士子有遊息之談農大有休 こうこ 下帝可奏即宣詔云門下寒暑迭用所以成歲功也日 左右屯衛將軍宇文化及將謀亂因請放官奴分直上 内盗贼攻於外疽閣裝處通虎貢郎將司馬德勒等引 不懌乃言吾不知此事豈為非聖人形於是奸寡起於 滑稽之请而從衛士遞上之文朕於侍從之間可 1.1. 兒神

恩矣可依前件事是有焚草之變 卸灰四样全書 其香軸爭取紙尾拆去視軸皆有魯郡文忠顏公名 為南部烟花錄僧志徹得之及焚釋氏草經僧人情 文字可紀者乃隋書遺稿也中有生白藤紙数幅題 開之得筍筆千餘頭中藏書一快雖皆隨手靡書而 題云手寫是錄即前之節筆可不舉而知也志徹得 **閣南隅有雙閣別之忘記歲月會昌中詔拆浮圖因** 右大業拾遺記者上元縣南朝故都梁建瓦棺寺閣 卷一百十上

缺落几十七八悉而補之矣 没不得為詞人才子談柄故編云大業拾遺記本文 前迹因而削乎今竟風已還得車斯駕獨惜斯文湮 脱豈不以國初將相爭以王道輔政頗公不欲華靡 錄前事及取脩書校之多隱文特有傳會而事頗簡

ときいるとき

Ę

說鄉

===

:			1		多分也人人了世
:   					7
' '					卷一百十上
					L
					-

時之麗殿上設水精簾暗琢遍文統以由機機與指昏 有金殿玉墀名不虚也又有紫檀殿以紫檀香木為之 白玉石為之太陽東升殿中燦爛塔更飛貚古謂天子 融溪霞沙為稅怒目張牙有欲動之狀尾滑琉璃與天 頭向外口中銜珠下垂珠皆五色用綵金絲貫串負柱 无祖肇建内殿制度精巧題頭刻螭形以檀香為之螭 **说定四阜全香** 色朱砂塗壁紅重胭脂形標華稅金梅雕禮務窮 九氏披庭記 7 夭 台 紀鄉 恟 宋 儀 官中以玉板笋及白兔胎作羹極佳名換舌羹玉板 官人所遺關又建業景陽官熊脂井物於是是 腕關 時南朝官人亦有選入後庭者亦以所珍進獻 光天玉德七寶搖光通雲凝翠廣寒等殿其餘不可 寒光水玉魚一 **无妃静懿皇后旦日** 數也 被病而用皆者耳魚是太真潤肺物如意是六朝似今之手夠類但魚是太真潤肺物如意是六朝 析 人就青芝雙虬如意一人獻柳金簡呈 誕 止日受賀六宫嬪妃以次獻慶禮 卷一百 隆后不

单 雲板日金華南設火齊屏風曰珠華北設百樂龍脉曰 火七四年入等 大内又有迎涼之所曰清林閣四面植喬松脩竹南風 大內有德壽官與聖宫翠華官擇勝宫連天樓紅鱗殿 徐米林葉自鳴遠勝絲竹旁立二亭東名松聲西名竹 木革并中央木蓮花紫香琪座千鈞紫九朵雲蓋為五 惟備載尤良名飯錄及高迪詩敘 入霄殿五花殿五年殿東設吐霓餅曰玉華西設七星 說作

終為樓妃獨與官官數人升馬剪絲散臺下今官嬪拾 之以色艷淡為勝負次日設宴大會謂之關巧宴負巧 至大中洪妃寵于後宮七夕諸嬪妃不得登臺臺上結 儿尾鍼先完者為得巧遲完者謂之輸巧各出資以贈 儿引堂屋七夕乞巧之所至夕宫女登臺以五米絲穿 設局骨屏風鴻羽帳規地以罽賓禮毺 得巧者馬

風又有温室日春熙堂以椒塗壁被之文編香桂為柱

分りて

堂至日命官人把刺以驗一線之功 植垂絲海常指甲花徑中十步起一亭皆松栢竹樹為 亭春時官人各折花傳杯于此拱聲亭亭六角六璧旋 名夜光亭探芳徑旁為逍遥市集賢堂臺徑除御道外 拱中置夜光珠一 九龍墀龍形九曲金髯玉麟総難亭植紅梅百株延香 刺繍亭冬至則候日于此亭邊有一線竿竿下為緝泵 というられるよう 一席 類晦夜嫁若白畫光燭數十步外又 記郭 į

宫中 眺遠閉留連館萬年宮並在禁苑又有龍泉井碼碣石 四方珍異揭錦為招又立庖人烹鮮能香以供倦游之 嬌之宴紅梅初發携尊對酌名曰澆紅之宴海棠謂之 石為汉缾 為井牀雨花臺石為井湫香檀為蓋離朱錦篇寮雲母 飲集會臺凡遠夷貢獻上古所遺器物一皆貯之义有 飲宴不常名色亦異碧桃盛開舉杯相賞名曰爱

之苑中每

花開携置亭下以備觀玩市上鋪陳九州

銀写口屋 有量

卷一百

為戀春惟花之設名為奪秀其或繪樓幔閣清暑回陽 煖粧瑞香謂之撥寒牡丹謂之惜香至于落花之飲名 蘇醬油有蘇合油片腦油温的臍油猛火油無水 **漿鹽有水晶鹽膏霜鹽五色鹽醬有蟻子醬鶴頂醬** 子脳薔薇露綠膏樂醋有杏花酸脆炭酸潤腸酸苦蘇 后妃侍從各有定制后二百八十人冠步光泥金帽衣 酒有翠濤飲露囊飲瓊華汁玉團春石涼春葡萄春鳳 佩麟採蓮則隨其所事而名之也 とこりるとこう 說鄉 Ī,

· 頂懸明珠左張翠羽蓋曳金鈴結青錦為重 二作雲覆 翻鴻獸錦袍妃二百人冠懸梁七曜巾衣雲肩絳繒袍 宫中制丘雲車車有五箱以火樹為橫式烏梭為輪轅 熊嬪性耐寒當于月夜遊梨花亭露袒坐紫斑石元帝 嬪八十人冠文殼中水青絲縷金袍並謂之控鸞昭儀 見其身與梨花一色因名其亭曰聯縞亭 剑灯四母全建 王鈴左直五結索錦為會雲覆頂旁建白虎旗列豹紙 頂旁廷青龍旗列磨鳄雕銀鐵五右張白鳩緝堯益曳

とこの年 と言 竹鈴結墨錦為唇雲覆頂後建玄武旗列畫干五中張 項前建朱雀旗列線鈴火金戈五後張黑兔園毫盖曳 連珠槍五前張紅猴毛檀蓋曳木鈴結亦錦為重雲覆 箱為帝座外四箱為妃嬪坐每晦夜遊幸苑中御此以 雕羽曲柄盖曳石鈴結黃錦為會雲覆頂建勾陳旗中 行不用燈燭 墜瑶草綠明珠照東秋月懸天風吹下簫韶曲萬年 **的陳剛中雲車夜遊詩云金根雲盖略移玉露花不** 

鱼牙 號曰鶴團又終帛結成採菱採蓮之舟輕快便提往來 隊居右者冠漆朱帽衣雪氅炭建鶴翼旗執瀝粉雕戈 者冠亦羽冠服班文甲建鳳尾旗執泥金畫或號曰鳳 **戲羣集於是畫與中流蓮舟夾持舟上各設女軍居左** 月色射波池光映天綠荷含香芳藻吐秀游魚浮鳥競 已酉仲秋之夜武宗與諸嬪妃泛月于禁苑太液池中 枝上清光滿八驚導引雙龍管夜深如畫翠華來三 十六宫碧雲媛 以及人 各一百

羅曳穀前為八展舞歌質新凉一曲帝喜謂妃嬪曰告 如飛當具月魔中天彩雲四合帝乃開宴張樂薦輔翅 **惜無工元夫人在坐不得聞步玄之聲耳有點妃者素** 令與卿等際此月圓共此住 會液池之樂不減瑶池也 之脯進秋風之繪酌玄霜之酒啗華月之糕今宮女报 处主山軍公書 一門 號能歌趨出為帝對月照臨而歌曰五華兮如織 照臨 西王母宴榜天子于瑶池人以為古今莫有此樂也朕 色麗正兮中域同樂分萬國歌畢帝悅其以月 .說 きハ

と賜八 角玉心之奇山聳而至蓮艇奉實絳房金的之異陵疊 既畢軍中樂作唱龍歸洞之歌而還 而來由是下令兩軍水擊為戲風旋雲轉戟刺戈橫戰 癸已秋順帝東龍船泛月池上池起浮橋三處好處分 洞 **繡九洞不相直達** 陳剛中太液秋風詩云一 洞上結終為飛樓樓上置女樂橋以木為質飾以 實盤玳瑁盛諸妃各起賀酒半酣養舟進鮮紫 卷一百 一鏡拭開秋萬頃碧天倒

金りし

次定四車全書 一 每遇上已日令諸嬪妃杖于内園迎祥亭漾碧池池用 英疑香兒尤見寵愛所好成之所惡除之位在皇后之 **她龍瑞嬌程一寧戈小娥麗嬪張阿玄支祁氏才人英** 順帝宮嬪進御無紀佩夫人貴妃印者不下百数如 下而權則重于禁閣宫中稱為七貴云 歌棹搖綠烟濕餐吹墮黃金蟬琪樹飕飕紅鯉躍炙 龍正宴瑶池仙 浸琉璃影寒鹼夜捲雪波去貝煳珠宮黛光冷三十 .说 新 芜

水上迎 水以注于池池中又置温玉狻猊白晶鹿紅石馬等 中謂之與心宴池之旁一潭曰香泉潭至此日則積香 錦為亭中區集鸞左區疑霞右區承霄三橋鴈行相 九龍華蓋四面有幃幃皆蜀錦為之跨池三橋橋上結 妃浴澡之餘則騎以為戲或執顧惠或擊珠流謂 横橋接乎三亭之上以通往來被畢則宴飲于 祥之樂唯小城體白而紅著水如桃花含露愈

紋石為質以寶石鏤成奇花繁葉雜砌其間上張紫雲

巻一百

費皆非我有矣何為自苦以虚度一生乎於是長歌大 阿玄乃私製一崑崙巾上起三會中有樞轉玉質金枝 舜自暮逢旦號曰遣光諸嬪貴妃百婚其前以求客悅 後官常曰百歲光陰等于馳電能幾何哉日夜為樂猶 爭州美帝曰此大桃女也因呼為賽桃大人寵愛有加 不滿十萬况其間疾病相侵年壽難必如白雲有期富 魔婿張阿玄性號機敏帝或視朝而退即與諸嬪嬉遊 淡鄉 四十

火モリをいち

帝珍重之作實光樓以藏馬至是始出服之顧謂官 瓊流翠之袍越步之際飄鄉若月宫仙子帝見之指謂 **暫磨運百花自搖蜂蝶欲飛皆作錯藥之狀又製為飛** 冠春陽一線巾巾乃方士所進云是東海長生公所 終終布之聚雪疊三山之履以進御帝服其聚穿其優 重りし 曰使朕服此不食不飢遨遊臺島間得與金仙羽客為 約絲為花團綴于四面人製為蜂蝶雜處其中行則 ,猶曰張嬪氣宇清越服帝子雲霓之服玄為帝製編 卷一百

一個視葉天下如土塊耳內堅梁行進口陛下冠服不異 神仙海池瓊島亦壺島之匹也即今逍遙百歲猶足為 樂何必遠有所慕哉帝于是自稱玉宸館佩瓊花第 洞烟霞小仙以玄為太素仙她一寧為太真仙如就于 萬歲山築垣狀如天台亦城亦號緊霓城建玉宸館豐 **拟她龍瑞嬌貪而且如官人少有不如意答撻至死有** 石為瓊花洞以居鳥 とこうられたら 不欲置之死地省則百計千方致其苦楚以酷沃鼻謂 紀都

鬼削木埋地相去二尺高三尺令女立上又以一木柱 之酸刑以穢塞口謂之臭刑夏則火圍謂之蒸骨冬則 開市于左掖門内發賣諸色錦段如有買者仍給一 芝雙角五爪龍萬壽福壽字賴黃等段以巨萬數嬌乃 者甚多帝嘗賞賜金帛比他妃有加麒麟鸞鳳白兔靈 臥氷謂之煉肋不能酒者强令之飲多至十椀是名醉 其腰兩手各持重物不得失墜名曰懸心之刑儿此類 令不相禁宦官牛大輔掌之由是京師官获富氏及四

金分四月全書

二色至元間進貢帝又命工以金籠之雅出鸞鳳之形 疑香兒本部下官妓也以才藝選入官遂充才人善鼓 とこりをひち 撒哈剌蒙茸如魑鶗但輕濞耳宜于秋時着之有紅綠 桑如故少頃復飛一舞中隻飛隻復雖百試不差帝當 瑟晚音律能為翻冠飛腹之舞舞問冠腹皆翻覆飛空 方商賈爭相來買具價增倍歲得銀數萬時呼為編市 **人號麗色多春之市** 秋夜泛舟禁池香兒看項里緣蒙之杉項里夷名産 說鄉 er i

古兮每如此予同樂兮終年帝復置酒于天香亭為當 東于國國局玉河生花藥草採其藥織之為錦香兒以 金分せんろ言 月飲香兒復易服超亭前衣絡繪方仙之衣帶雲肩迎 颼颼兮刀勁月一輪兮高且圓華綠發兮鮮復妍願萬 杉兮蘂裳瑶環兮瓊瑞泛于舟兮芳渚擊于楫兮徜徉 製為十大杉香兒得一馬至此服之又服玉河花藥之 明皎皎兮水如鏡弄蟾光兮捉娥影露團閣兮氣清風 小艇蕩漾于波中舞婆娑之隊歌弄月之曲其詞云蒙

風之組執干昂鸞縮鶴而舞乃歌曰天風吹兮桂子香 次色四年在1 矣邀者風于屛圍呼華月以入座眾嘩俱寂綠竹交奏 遊月宫見女蛾数十着素衣歌舞于樹下朕今酌醁靈 得與秋香月色分酬酹予樽觞歌畢帝笑曰昔唐明皇 鳴沈兮夜未央樂有餘兮過霓裳吾君吾王兮壽萬歲 **玄漿兮進酒兔霜兮為侑聲亂兮歌狂君飲兮一斗雞** 來問闔兮下廣寒塵不揚兮玉字淨萬籟泯兮金惛涼 酒對才人歌香桂長秋曲可謂絳繪城唱小搖金調者 三

一獎命官城東之以採養為水戲時香兒亦在馬帝命製 中多荷蒲菱芝帝以文梓為舟伽南為楫刻能鸞翔鷁 **斾于船首隨風輕漾又作採菱小船鄉絲為棚木蘭為** 為吕公嚴帝于夏月嘗避暑于北山之下曰西湖者其 人間之樂當不減天上京城北三十里有玉泉山山半 採菱曲使篙人歌之遂歌水面剪青之調曰伽南楫兮 金風競棹歌起兮纖手揮青角脱兮水漈洄歸去來兮 文桿舟泛波光兮遠夷猶波搖搖兮舟不定楊予秧兮

せんろう

笛吹一 葉以為蓋兮緝鶇緣以為於雲光淡微烟生對芳華兮 舟分湖之濱剪荷柄分折荷英篇為飛分翡翠驚張蓮 竟忘歸又命作採連之曲于是調折新荷而歌曰放漁 樂更誰篙人歌之聲滿湖上天色微照山街落日帝乃 周遊荷間取荷之葉或以為衣或以為蓋四顧自得畢 樂難極返予棹兮山月明 ・・・・フラー・ニー 一寧未得幸時當于春夜登翠鱎樓倚關弄玉龍之 詞云廟徑香銷玉華蹤梨花不忍負春風綠蔥 說鄉 野田

芙蓉金鴨香銷寶帳重竹葉年車來別院何人空聽景 銀好也库全書 陽鐘又繼一詞曰淡月輕寒透碧紗寫屏睡夢聽啼鴉 未召也及後夜帝復遊此又聞歌一詞曰牙牀錦被繡 **蠹承恩難比雪兒歌歌中音語咽塞情極悲愴帝因謂** 春風不管愁深淺日日開門掃落花又吹惜春詞一曲 人口此何人吹也有知者對口程才人所吹帝雖知之 深鎖無人見自張朱砂養守宮帝忽于月下聞之問宮 日春光欲去疾如梭冷落長門苔蘇多懶上粧臺脂蓋 卷一百十二

得而知益不遇者亦衆矣遂東金根車至其所寧見龍 鳴雎之曲笑謂寧曰今夕之夕情圓氣聚然玉笛卿之 絲之膳翠濤之酒雲仙樂部坊奏鴻韶樂列米戚之舞 中自道具意朕安得至此憂懷中遣况無地是以來接 炬蔟擁遂趨出叩頭俯伏帝親以手扶之曰鄉非玉苗 宫人日開之使人能不惧愴深宫中有人愁恨如此誰 三青也可封為圓聚灰自是寵愛日陰改樓為奉御樓 其思耳携手至栢香堂命實光天禄厨設開願宴進免 郑 五五

堂為天怡堂 銀定匹库全書 樓金線之象浮香細鱗之帳六角雕羽之屏磨人高麗 帝為英英起米芳館于瓊華島內設唐人滿花之席重 五尺每尺寸縛結如樓形山中人取以織之成幅大德 島名產滿花草性柔折屈不損光澤可佳土人編之為 簇玉色可爱又間成花卉之形或紅或綠暑月對之 席重樓金線花名也出長白山花心抽絲如金長至四 問尾灑夷于清源洞得一物如龍皮薄可相照鱗鱗指 卷一百十上

地放也 帝在位久怠于政事荒于游宴以宫女一十六人按舞 風自生遣人進貢時無識者有一胡僧言曰此班花玉 内院造龍船首尾長一百二十尺廣二十尺上有五殿 勒帕常服或用唐中窄衫所奏樂用龍頭笛管小鼓箏 名為天魔舞首垂髮数辯戴象牙冠身披纓絡大紅綃 **暴琵琶笙胡琴響板每宫中讚佛則按舞奏樂帝又于** 金長楷襖各執加巴剌般之器又宫女十一人練槌髻

とこのおという

說鄉

則能首尾眼爪皆動又自製官漏約高六七尺為木櫃 金りせんそうし 說郛卷一 并殿宇俱五采金裝日于後宮海子內游戲船行 蓮水上下櫃上設四方三里殿櫃腰設玉女 百十十 則神人自能按更而擊 飘浮水而上左右列二金甲神人 巻一百十工

欽定四庫全書

説 那卷一百十下

詳校官監察御史上徐如澍

員外郎臣牛稔文覆勘

校對官編修臣陳崇本 總校官編修臣倉聖脉 腾绿监生臣王

詔

ただりをいち 為證足遂使懿德蒙被淫醜 更有加于嫗者因相 孟克龍姆知其好 懿德皇后之變一時南 小照其能户說以相白 陶宗儀 拱

感來集乃直書其事用強後之良史若夫少海翻波變 金为四人有意 為險陸則有司徒公之實錄在大安五年春三月前觀 頃以待罪哈屯城去鄉數千里視日如歲獨景與懷舊 執手歎其冤誣至為涕淫淫下也觀變已來忽復數 **香殿學士臣王鼎謹序** 卷一百十

天忽為天狗所食驚寤而后生時重熙九年五月已未 律氏夢月隆懷已復東升光輝照爛不可仰視渐升中 懿德皇后蕭氏為北面官南院樞密便惠之少女母耶 觀音二十二年今上在青宫進封燕趙國王慕后賢淑 子及長姿容端麗為蕭氏稱首皆以觀音目之因小字 也母以語惠惠曰此女必大貴而不得今終且五日生 女古人所忌命已定矣將復奈何后幼能誦詩旁及經 焚椒銀途王 鼎 說鄉

言以玉飾首以金飾足以觀音作皇后也二年八月 喜宫中為語曰沽尼 壓帕孟古 難菩薩喚作納阿默 葢 問此何也左右曰此天書命哈屯領三十六宫也后大 年十二月戊子册為皇后后方出問升坐扇開簾捲忽 為當時第一由是爱幸遂傾後宮及上即位以清寧元 聘納為妃后婉順善承上意復能歌詩而彈筆琵琶尤 獵秋山后率妃嬪從行在所至伏虎林上命后賦訪 有白練一段自空吹至后褥位前上有三十六三字后 卷一百

为四月在重

德皇后三年秋上作君臣同志華夷同風詩后應制衛 歲是歲十一月 羣臣上皇帝 尊號曰天祐皇帝后曰懿 謂女中才子次日上親御弓矢射獵有虎突林而出上 應聲曰威風萬里壓南邦東去能翻鴨綠江靈惟大千 心文章通鹿鑫聲放游雞林大萬看交泰應知無古今 和日虞廷開威帆王會合奇琛到處承天意皆同捧日 曰朕射得此虎可謂不媤后詩一發而殪羣臣皆呼 都破膽那教猛虎不投降上大喜出示羣臣曰皇后可 とこりらい 說郭

目送媚后語之曰貴家婦宜以莊臨下何必如此妃 時惟后家不肯相下伊遜好為快快及咸雅初皇子濟 律伊逃與有功馬尋進南院樞密使威權震灼傾動 軍潰父子伏誅而討平此亂則知北樞密院事趙王耶 父子合定叛謀于九年七月駕幸樂水聚兵作逆須史 以哈屯加吾汝若有志當除此帳菩撻此婢于是重元 之歸爲重元曰汝是聖宗兒宣哈斯不若使教坊奴得 明年后生皇子濬皇太叔重元妃入賀每顧影自於 金分四月百章 ð 衜

幸秋山不問六御特以單騎從禽深入不測此雖威神 得后患之乃上疏諫曰妾開穆王遠駕周德用泉太康 時巴納上既擅聖藻而尤長亏馬往往以國服先驅所 行事每于當御之夕進諫得失國俗君臣尚獵故有四 所届萬靈自為擁護倘有絕羣之獸果如東方所言則 東馬號飛電瞬息百里常馳入深林邃谷扈從求之不 供豫夏社幾危此游佃之往戒帝王之龜鐵也項見駕 冊為皇太子益復當好為圖后計矣后常慕唐徐賢妃 とこりられたす ラ 說鄉

為牝雞之晨而納之上雖嘉納心頗厭遠故咸雍之末 惟陛下尊老氏馳騁之戒用漢文吉行之旨不以其言 溝中之豕必敗簡子之駕妄妾 雖愚閻竊為社稷憂之 金好四月月月 知妾即恰當天處少輝光拂象林待君王換香枕一半 意也埽深殿閉久金鋪暗游絲絡網塵作堆積歲青苔 遂稀幸御后因作詞曰回心院被之管故以寓望幸之 無雲錦為是秋來轉展多更有雙雙淚痕滲淚香枕待 厚陷面埽深殿侍君宴拂象牀憑尝借高唐敲壞牛邊

空自陳只願身當白玉體不願伊當導命人叠錦茵待 相思塊鋪萃被待君睡裝繡帳金鉤木敢上解却四角 君窥銷萃被羞殺篇為對猶憶當時叫合歡而今獨覆 君臨展瑶席花笑三韓碧笑妾新鋪玉一牀從來婦惟 孤悶蘇若道妄身多穢賤自沾御香香徹膚勢熏爐作 生彩暈對妥故作青熒熒剔銀燈待君行勢熏爐能將 不終夕展瑶席符君息剔銀燈須知一樣明偏是君來 たこりという 夜光珠不教照見愁模樣裝編帳待君既叠錦茵重重 說鄉 ħ

風雨聲張鳴寧待若聽時諸伶無能奏演此曲者獨伶 琶每與惟一爭能 然后不知已后乃召登 與對彈四旦 二十八調皆不及后彈處恥拜服于時上常召登彈爭 官趙惟一能之而宫婢丹達 故重元家婢亦善爭及琵 君娱張鳴箏恰恰語婚鶯一從彈作房中曲常和寫前 遣直外別院登深怨嫉之而登林清子嫁為放坊朱頂 鶴妻方為耶律伊遜所腦登每向清子誣后與惟 后諫日此叛家婢女中獨無豫讓乎安得輕近御前因

一金岁口人 行言

卷一百

上應惹領邊香和羹好滋味送語出宮商定知郎口內 火毛四年公馬 送過來香既摘上林蕊還親御花桑歸來便携手纖纖 胸探取尤比顫酥香芙蓉失新艷蓮花落改妝兩般總 含有煖甘香非關兼酒氣不是口脂芳却疑花解語風 甚比可似粉腮香蝤蠐那足並長須學鳳凰昨宵歡臂 知眠枕上倍覺綠雲香紅銷一幅强輕關白玉光試開 作十香婬詞用為誣察云青絲七尺長挽出內家裝不 通乙辛具知之欲東此害后以為不足證實更命他人 . 說神

知情 **鉤香解帶色已戰觸手心愈忙那識羅 楊內消戛別有** 春芳香鳳雜地合縫羅機都輕霜誰將媛白玉雕出軟 后善書登給后曰此宋國多爾吉 所作更得御書便稱 香咳唾干花釀肌膚百和裝元非敢沈水生得滿身香 一絕后讀而喜之即為手書一 陰獨清子使登乞后手書登時雖外直常得見后 絕云宫中只數趙家妝敗雨殘雲候漢王惟 片月曾窥飛鳥入昭陽登得后手書持出與清 紙紙尾沒書己所作

金少せん

卷一百

とこりをいち 坊入內承直高長命以彈事琵琶得召入內沐工恩寵 子云老姆好客已得况汗之性忌早晚見其白練挂粉 單登及教坊朱頂鶴陳首本坊伶官趙惟一向要結本 密奏上曰太康元年十月二十三日據外直別院宮婢 伶官趙惟一私侍懿德皇后有十香婬詞為證伊遜乃 胆也伊遜已得書遂構詞命登與朱頂鶴赴北院陳首 月駕幸木葉山惟一公稱有懿德皇后盲召入彈寧于 乃朝干冒禁典謀侍懿德皇后御前忽于咸雍六年九 近沙

言曰可封有用郎君惟一低聲言曰奴具雕健 **鞍皇后亦看紧金百鳳杉杏黄金縷裙上戴百寶花髻** 傳命惟一去官服着綠巾金抹額窄袖紫羅衫珠帶鳥 調成皇后向廉下目之遂隔廉與惟 或飲或彈至院鼓三下数內付出帳登時當直帳不復 **時皇后以御製回心院由十首付惟一** 聞帳內彈飲但聞笑聲登亦心動密從帳外聽之 穿紅鳳花難召惟一更入內帳對彈琵琶命酒對飲 對彈及各命燭 調自長至酉 / 聞后

金岁四月月

登共悉此事使含忍不言一 敢入帳后深懷思因作十香詞賜惟一惟一持出誇示 惺惺若小兒夢中啼而己院鼓四下后與登揭帳曰惟 ところころ しい 事發連坐東服泣諫后怒痛笞遂斥外直但朱頂鶴與 同官朱頂鶴朱頂鶴遂手奪其詞使婦清子問登登懼 拜解后賜金帛一箧謝恩而出具後駕還雖時召見不 自不敢汗之真龍后曰小猛蛇却賽真懶龍此後但聞 醉不起可為我喚醒替教惟一百通始為醒狀乃起 Į 親鄉 朝敗壞安免株坐故敢首

外寡妻匹婦莫不刑于今官帳深密忽有異言具有關 治化良非渺小故不忍隱諱輒據詞并手書十香詞 紙密奏以聞工覧奏大怒即名后對話后痛哭轉辨 從単登得而書賜之耳且國家無親蠢事妄作那得有 女满前何忍更作淫奔失行之人宁上出十香詞曰此 安托體國家已造婦人之極況誕育儲貳近且生孫兒 汝作手書更復何解后曰此宋國多爾吉所作安即 己為轉奏以正刑誅臣惟皇帝以至德統天化及無

超好四母全重

悉一百十

當 汝所着為宋國服那上怒甚因以鐵骨杂擊后后幾至 服狱成将奏樞密副使蕭惟信馳語伊選孝傑曰懿德 殞即下具事使參知此事張孝傑與伊遜窮治之伊遜 親桑語上曰詩正不妨以無為有如詞中合縫難亦非 也而可以叛家仇婢一語動搖之乎公等身為大臣 賢明端重化行官帳且誕育儲君為國大本此天下母 乃繁械惟一長命等訊鞫加以釘灼盪錯等刑皆為誣 トしたころう 燭殷奸宄洗雪室誣烹滅此輩以報國家以正國 7.1.5

成被髮流涕乞代母死上曰 朕親臨天下臣妾億兆而 誅惟一 月是以二句中包含趙惟一三字也上意遂決即日族 **撒工之工猶未決指後懷古一詩曰此是皇后罵飛燕** 奈何欣然以為得其情也公等幸更為思之不聽遂其 弘定四年全書 曰何以見之孝傑曰宮中只數趙家妝惟有知情一片 不能防悶一婦更何施眉目既然南面平后乞更面可 如何更作十詞孝傑進曰此正皇后懷趙惟一耳上 併斬長命故后自盡時皇太子及齊國諸公主

傷共凸雌分將墜忽吾去分椒房呼天地兮慘晖恨今 華托後釣兮疑位忽前星兮啟耀雖쀻纍兮黃牀庶無 枯兮多辛惹作儷兮皇家承昊宫兮下覆近日月兮分 古兮安極知吾生兮必死又馬嫂兮旦夕遂閉宫以白 女兮多惭遏飛霜兮下擊頗子女兮哀順對左右兮推 **联家穢惡兮宫聞將剖心兮自陳冀迴照兮白日寧庶** 罪兮宗廟欲貫魚兮上進東陽德兮天脫豈禍生兮無 汗一言而死不許后乃望帝所而拜作絕命詞曰嗟薄

欽定四年全書 傑以儒業起家必明于大義者使如惟信直言毅然 其始也由于伶官得入宫帳其次則叛家之婢使得近 人子伊遜遂謀害太子無虚日矣嗟嗟自古國家之禍 練自經上怒猶未鄉命裸后屍以章席裹還其家春秋 左右比禍之所由生也第伊遜凶慘無匹固無論而孝 未嘗不起于纖纖也鼎觀懿德之變固皆成于伊遜然 大叶日殺吾母者那律伊遜也他日不門誅此賊不為 三十有六正符白練之語崩者莫不冤之皇太子投地

少恩骨肉哉乃亦非心同聲自保禄位卒使母后儲若 之后必不死后不死則太子可保無恙而上亦何惭于 脱練先命之矣 安得誣出后手乎至于懷古一 日好音樂與能詩善書耳假令不作回心院則十香詞 與諸老成一旦皆死于非辜此史冊所書未有之禍也 余讀焚椒錄乃知元人修史之謬也即如宣懿皇后諫 人者可謂罪通于天者乎然懿德所以取禍者有 詩則天實為之而月食

雖 他挂漏可知矣惟此錄言皇后生于五月五日而道宗 此伊遜孝傑罪案也可削而不載乎一書去取如此其 只願身當白玉體不願伊當導命人偏是君來生彩堂 不及者其他若陰屬單登索后書及證懷古詩于帝前 道宗單騎馳獵僅百二十餘言其辭意並到有宋人所 化大漢自殺耳宣別有所據那至于錄中所載詩詞 紀稱坤寧節在十二月又云重元父子伏誅則重元 淫靡不足道如解却四角夜光珠不教照見愁模樣 表一百十下

欽定四庫全書

たとりられる 宇宙一大變也然與漢武前後一 對也併識于此以與博雅君子西園歸老題 此錄而益信矣具寬記 其子漢武因子以及其妻而兩孫亦皆嗣位第天作 此等皆有唐人遺意恐有宋英神之際諸大家無此四 對妄故作青榮榮若道妄身多穢賤自沾御香香徹層 敢望孝宣耳首卿氏曰雖有親父安知其不為虎子于 **亍得焚椒錄讀之何讒人罔極戕害天倫一至于此亦** 窥郭 軟惟道宗因妻以及

二月行道宗母仁懿皇太后再生禮耳且歷象朔日考 不可不一正之更按王鼎傳云清寧五年推進士第乃 絕羣之獸為東方朔所言此乃后誤以相如為東方也 重熙九年五月乙卯朔則五日正巳未也至若后疏以 亦當但謂坤寧節在十二月則彼不詳考清寧八年十 此錄有西園歸老跛不知為誰當是國初儒舊其品鑒 **那又按鼎作此錄在商居鎭州時時伊遜已囚荥州孝** 八年放進士王鼎等則五年為誤矣不然宣有兩王鼎

金分世人全書

卷一百十下

南 此錄一 地曰世里譯曰耶律因為國姓 傑亦死故敢實錄其事但天祚時鼎尚在如懿德皇后 ・し・うう へいう 名薾翰后族因以為姓哈屯 突厥皇后之稱 剖棺教屍以家嚼分賜羣臣事並不補錄一 北面官遼制北面治宫帳南面治漢人耶律遼始與 一女趙國公主以匡教天祚竟誅伊遜而并及孝傑 國語解附 不了公案也海鹽姚士彝叔样跋 此神 **満氏述律皇后兄子** 快觀者亦 沽尼

銀安四月全書 若皇太后等帳皆有益宦官也 遼大樂也 刑法有鐵骨泉之數擊之或五或七也秀水殷仲 四時巴納 孟古金也 合縫難途后服有雙同心帕絡合縫難 多爾吉皇后也 謂四時政漁行在所也 約 阿后土也默母也 百十 有用郎君遼有著帳郎 官帳遼宫中亦有帳 四旦二十 哈斯有力也 鐵骨分 調

意帝口朕不愛此畫只為思舊遊之處於是帝以左手 時請后在側謂帝曰知他是甚圖畫何消皇帝如此掛 到因觀殿壁上有廣陵圖帝瞪目視之移時不能舉 煬帝已昏淫不以為信時遊木顧庭命袁寶兒歌柳枝 ととのもから 目前謂后曰朕昔征陳主時遊此豈期久有臨軒萬 先后**尚右手指圖上山水及人煙村落寺字歷歷皆如** 睢陽有王氣出占天耿純臣奏後五百年當有天子與 開河記 唐 開 名 Ŋ

睢陽有王氣又陛下喜在東南欲泛孟津又應危險况 始皇時金陵有王氣始皇使人鑿斷砥柱王氣逐絕今 舟事恐不測時有課議大夫請懷彰の黃奏曰臣用秦 言似此程途不啻萬里又孟津水緊滄海波深若泛巨 陵旦夕游賞當此之時以雲煙為靈景視榮貴若陳為 議欲泛巨舟自洛入河自河连海入淮至廣陵羣臣皆 廣陵何如一幸 帝聞心中豁然望日與大臣言 欲至廣 在躬便不得豁於懷抱也言訖聖客慘然后曰帝意在 卷一百十

金なでんろう

大總管麻水謀為開河都護以湯冤將軍李淵為副使 火足四年在与 一 羣臣皆默帝乃出 勃朝堂有 課問河者斬之詔以征儿 陽境內過一則路達廣陵二則鑿穿王氣帝朋奏大喜 津水入水至淮放孟津水出此間地不過千里況於睢 欲乞陛下廣集兵夫於大梁起首開掘西自河陰引孟 副使都督自大梁起首於樂臺之北建修渠所署命 湖稱疾不赴即以左屯衛將軍令孤達代李淵為開渠

大梁西北有故河道乃是泰時王離決水灌大梁之處

中取一分人自上源而西至河陰通連古河道及五縣 卸 迤邐趨愁思臺而至北去又令二分丁大自上源驛 夫計三百六十萬人乃更五家出一人或老或幼或婦 有隱匿者斬三族帝以河水經於下乃賜下字加水丁 也詔發天下丁夫男年十五以上五十以下者皆至如 等供饋飲食又令少年縣卒五萬人各執杖為史如 級隊長之類共五百四十三萬餘人叔謀乃今三分 開封 城 乃十邑因名其府署為下渠上源傳舍

グロスイー

古机有此十字

静漆燈品煌照雅如畫四壁皆有彩畫花竹龍鬼之像 人容貌如生肌膚潔白如玉而肥其髮自頭出而覆其 中有棺柩如丧家之莫其從功吏聞於叔謀命啓棺 布數千里纔開斷未及文餘得古堂室可數間瑩然肅 東去乃隋大業五年八月上旬建功春鋪既集東西橫 たらりをから 具役有一下邳民讀曰我是大金仙死來一千年數 面週腹胸下畧其足倒生而上及其背下而方止搜得 一石銘工有字如蒼頡鳥跡之篆乃召大中有識者免 說鄉 ナバ

金少し人人 城西隅之地今大佛次開掘陳留帝遣使馳御署玉祝 洮 明極東去往來負擔拖鍬者風馳電激遠近之人如蜂 并白璧一雙具少牢之奠於于留侯廟以假道祭芤怒 有大風出於殿內寫牖間吹錄人面使者退自陳留果 能前進墮於隊後伶仃而行是夜月色澄靜聞呵殿聲 九更候一 千年背下有流泉得逢麻叔謀葬我在高原髮長至 聚既達雅丘時有一夫乃中年人偶患個樓之疾不 十年方登兜率天叔誤乃自備棺機葬子

然後於雅丘至大林林中有小祠廟权謀訪問村叟曰 我言爾十二郎還白壁一雙爾當有于天場帝有大 謀性貪乃匿璧又不晚其言慮夫洩于外乃斬以滅口 以獻於奴謀熟視乃帝獻留侯物也話其大夫具道叔 畢取壁以授夫跪受記欲再拜貴人雖馬西去届雅丘 人戴倭冠衣王者衣東白馬命左右呼夫至前謂曰與 火己の年入時 明 **甚嚴夫鞠躬俟道左良久見清道繼至儀衛周旋一貴** 古老相傳呼為隱士墓其神甚靈奴謀不以為信將塋 說鄉

域發掘數尺忽鑿一 叔謀喜曰真荆聶之輩也命繫去邪胺下釣約數十丈 方及地去那解其索行約百步入一石室東北各有四 人敢人者乃指使將官武平郎將狄去邪者請入採之 口然也童子曰皇南君望子已久乃引入見一人服朱 石室之西有一石門洞開一童子出曰子非秋去邪乎 石柱鐵索二條繫一獸大如牛熟視之一巨鼠也須更 衣頂雲冠居高堂之上古邪再拜其人不言亦不答拜 , 寂嵌空庫夫下視有燈火炭炭無

金グロカノニ

卷一百十下

とうらいられたか 雷吼然方欲舉杖再擊俄一童子捧天符而下堂上驚 士以大棒過其腦一擊而碎有聲如墙崩其鼠大叶若 避降腔俯伏聽命童子乃宣言曰阿屡數本一紀今已 害物不遵天道鼠但點頭搖尾而已堂上人益怒令武 立堂上人責鼠口吾遣爾暫脫皮毛為中國主何虐民 大鼠至去那本乃廷臣知帝小字莫究其事但屏氣而 牽取阿慶果市外等武夫數人形質配異魁偉控所見 綠衣吏引去那立于廊之西階下良久堂工人呼力士 說鄉

七年更候五年當以練中繁顕而死童子去堂上人復 煬帝不永之事且曰子能免官即脫身于虎口也去那 上去那訪具處老父曰此乃嵩陽少室山下也老父問 爾伐吾瑩成米歲奉爾二金刀勿謂輕酬也言記綠衣 去那所至之處去那一一言老父遂細解去那去那知 行回顧已失使者又行三里餘見草舍一老父坐土榻 史引去那於他門出約行十數里入一林躡石攀藤而 令繁鼠於舊室中堂上人謂去邪曰與吾語麻叔謀謝

多分四月全電

琴一百十

たこのはいい **糝藥食之則瘥私謀取半年羊羔殺而取腔以和樂藥** 夢中為人過其腦逐發痛數日乃是去羽見鼠之日也 已死今日却來叔謀不信將謂狂人去那乃託狂疾隱 東行回視站屋已失所在時麻叔謀已至寧陵縣去那 方往視之口風入腠理病在胸臆須用嫩羊肥者蒸熟 見奴謀具白其事初去那人墓後其墓自崩將謂去那 权謀既至寧陵縣思風逆起坐不得帝令太醫令巢元 終南山時煬帝以患腦疼月餘不視朝訪其因皆言帝 認

夫置 蒸之置其腔盤中自以手臠擘而食之謂曰含酥臠鄉 家中巨富兄弟皆完惊以祖义堂域傍河道二文餘愿 兒東醉泄其事及醒叔謀乃以金十兩與榔兒又令役 具發掘乃盜他人孩兒年三四歲者殺之去頭足蒸熟 村獻羊羔者数十人皆厚酬其直寧陵下馬村陶榔兒 未盡而病以痊自後每今殺羊羔日數枚同杏酪五味 叔謀咀嚼香美迎異於羊無愛慕不已召話鄉兒鄉 河曲以護其瑩域榔兒兄弟自後每盗以獻所

金好四月全書

答背四十押出洛陽道中死者十有七八時令狐達如 睢陽界所失孩兒數百冤痛哀聲旦夕不輟虎貢郎将 之全家東燭圓守至明開櫃見子即長幼皆賀既達睢 之潛令人收兒骨未及數日已盈車於是城市村坊之 金一将贈與凡有上表及訟食子者不訊其詞理並令 段達為中門使掌四方表奏事权謀令家奴黃金窟將 獲县厚貧民有知者競騙人家子以獻求賜襄邑寧陵 民有孩兒者家置木櫃鐵襄具縫每夜置子于櫃中錄

决定四年公言

紀郭

陽城如要回護即取今古私謀怒其言回護令推出腰 五久日 陽界有豪寒使陳伯恭言此河道若取直路徑穿透睢 穿其宅并壁域乃以醵金三干两将獻于叔謀未有 迴避奉贈二金刀叔謀曰此乃許也不足信是日叔謀 為灰爐得一石銘 云睢陽上地高竹木可為壕岩也不 元墓班透一石室室中漆燈棺柩帳幕之類遇風皆化 令狐莲牧之時睢陽坊市豪民一百八十户皆恐掘 可達忽穿至一大林中有墓古老相傳云宋司馬董

入奏云大司馬華元至矣左右引一人紫衣戴進賢冠 とこのはたいま 拜覲于王前王乃言護城之事具人勃然大怒曰上帝 \*\* 豈可為逸遊致使掘穿王氣叔謀亦不允良久有人 泰上帝之念言此地後五百年間當有王者建萬世之 年矣價將軍借其方使回護此域即一城老幼皆荷恩 拜王亦答拜畢日寡人宋襄公也上帝命鎮此方二十 夢使者召至一宫殿上一人衣絲綃戴進賢冠叔課再 德也奴謀不允又曰適來護城之事益非寡人之意從

之口爛其腸胃此為第一王許之乃有數武夫拽叔謀 拷訊之物王曰拷訊之事何法最苦紫衣人曰鎔銅 脱去衣惟留犢鼻縛鐵柱上欲以銅汁灌之収謀魂膽 上帝賜叔謀金三千两取於民間叔謀性貪謂使者曰 依上命遂令解縛與本衣冠王令引去將行紫衣人曰 俱喪殿上人連止之曰護城之事如何叔謀連聲言謹 上帝賜金此何言也使者已有睢陽百姓獻與將軍此 有命匡護权謀愚昧之夫不晚天意乃大呼左右今置

金为世月月月

ឥ

というはんにう 當前口偃王闕望久矣乃隨而入見宫殿一人戴通 鐵也四面掘去具工惟見鐵墓旁安石門局鎖甚嚴用 陰注陽受也忽如夢覺既覺神不住體睢陽氏果賂黃 酇人楊氏計撞開墓門奴謀自入墓中行百步二童子 獻至彭城路經大林中有偃王墓掘數尺不可掘乃銅 劉趙村連延而去令狐達却之累上表為段達抑而不 收之立召陳伯恭今自睢陽西穿渠南去回屈果行過 金三十两因权謀家奴黃金窟而獻叔謀思夢中事乃 主

墓時煬帝在洛陽忽失國實搜訪官開莫知所在隱而 夫已少一百五十萬下塞之處死屍滿野帝在觀文殿 此刀刀之兆也二金刀之意也叔謀出今兵夫曰護其 印文乃古帝王受命寶也叔謀大喜王又曰再三保惜 也叔謀許之王乃今使者持一玉印與奴謀叔謀視之 **令奉與將軍玉寶遣君當有天下儻然護之丘山之幸** 冠衣絲綃坐殿上叔誤拜王亦拜曰寡人瑩域當河道 不宣煬帝督功甚急叔謀乃自徐州晚夕無殿所役之 好四月百章 、してう しにう 子孤具城未就父子俱死陛下欲聽狂夫之言學亡秦 聞秦始皇築長城於絕塞連延一萬里男死女曠婦原 開拓諸州丁夫一百二十萬修長城詔下若朔謀曰臣 護以諫議大夫高頗為副使以江淮吳楚襄鄧陳蔡并 帝意奏曰陛下偶然讀秦皇之事建萬世之業莫若修 日始皇時至此已及十年料長城已應推設宇文達順 讀書因覺史記見秦始皇築長城之事謂宰相守文達 具城堅具壁帝大喜乃詔以舒國公賀若獨為修城都

以民部侍郎宇文愷為副使時叔謀開汴梁盈灌口點 銀好四月全書 檢丁夫約折二百五十萬人其部役兵士舊五萬人折 達在側乃叱曰爾武夫狂卒有何知而亂其大謀若朔 之事但恐社稷崩離有同秦世帝大怒未及發言宇文 自洛陽選駕大渠詔江淮諸州造大船五百隻使命至 高頭亦不行宇文達乃舉司農卿宇文弼為修城都護 怒以象簡擊宇文達帝怒令囚若朔於家是夜飲配死 二萬三千人功既畢上言於帝決下口注水入汴梁帝 卷一百

急如星火民間有配著造船一隻者家産破用皆盡猶 久己の年入島 **或者翰林學士虞世基獻計請用垂柳裁於汴渠兩** 脚女至於龍舟御楫即每船用綵纜十條每條用殿脚 類於是吳越取民間女年十五六歲者五百人謂之殿 有不足伽項笞背然後鬻貨男女以供官用龍舟既成 泛江沿淮而下至大梁又別加修飾砌以七寶金玉之 則樹根四散鞠護河隄二乃牽舟之人獲具陰三 城年十口令殿脚女與年相間而行牵之時恐 规排

金为正居月言 大梁至准口聯綿不絕錦帆過處香閉百里既過雍立 時有虎貢郎將解于俱為護纜使上言水淺河窄行舟 寫賜垂楊柳姓楊曰楊柳也時舶照相繼連接千里自 百姓時有語言曰天子先裁然後百姓裁裁畢帝御筆 則牵舟之年食其葉工大喜韶民間有柳一林賞 甚難上以問虞世基曰請為鐵脚木鵝是一丈二尺上 浙達寧陵界水勢緊急龍舟阻礙牽舟之人費功轉甚 百姓競獻之又今親種帝自種一 卷一百 一株草臣次第種方及

祥臣已回護其城帝怒今劉岑東小舟根訪屈曲之處 **北直路較二十里帝益怒乃令衛出叔謀囚於後獄急** 之人皆縛之倒埋於岸下曰令教生作開河大死為抱 岑殿其水淺之處自雍丘至 灌口得一百二十九處帝 所掘幾何叔謀曰睢陽地靈不可干犯若掘之必有不 沙鬼人埋却五萬人既達睢陽帝問权謀曰坊市人煙 大怒令根究本處人吏姓名 應是木鵝住處兩岸地分 流放下如木鵝住即是淺帝依其言乃令右朔將軍劉 くこうこ しょう 犹邻 İ

宣令狐達詢問其田達奏自寧陵使為不法初食年後 上為段達扼定而不進帝令人搜叔謀囊索中得雎陽 易河道乃取小兒骨進呈帝曰何不奏達達曰表章數 啖嬰兒養賊陶榔兒盜人之子受金三千兩於睢陽擅 各寶明日盗吾首矣達在側奏曰叔謀常遣陶御兒盗 文達口必是遣賊竊取之帝瞪目而言曰奴謀今日竊 謂宇文達曰金與壁皆微物寡人之寶何自而得乎字 民所獻金又得留侯所還白壁及受命寶玉印上為異

一銀定匹库全書

巻一百十下

火迁日中人 子孫只令腰斬叔謀于河側時來護兒受物木至叔謀 之其子孫取聖古帝曰叔謀有大罪為開河有功免其 食人之子受人之金遣賊盗寶擅易河道請用峻法誅 之罪狱戍進上帝問丞相字文達曰叔謀有大罪四條 其苦乃具事招致又責段逢所收令狐違奏章却不奏 內使字百藥太僕聊楊義臣推鞫私謀置臺署於睢陽 人之子恐國寶鄉兒所盜也上益怒遣榮國公來護兒 收陶榔兒全家今榔兒具招入內盜寶事榔兒不勝 汽排

並鞭死中門外段達免死降官為洛陽監門令 覺日據此先兆不祥我胺領難存矣言未畢護兒至驅 于河之北岸斬為三段鄉兒兄弟五人并家奴黃金窟 來感將軍獲城之惠去年所許二金刀今日奉還叔謀 一童子自天而降謂曰宋襄公與大司馬華元遣我 卷一百十下

金グでたろう

有司供具材木几役夫數萬經歲而成樓問高下軒窓 之富亦欲極當年之樂自快其意今天下安富外内無 之界日臣乞先進圖本後數日進圖帝寬大悦即日詔 煬帝晚年尤沉迷女色他日顧詔迩侍曰人主享天下 というけんなう 小室幽軒短槛若得此則吾期老于其中也近传高昌 事此吾得以逐具樂也今宮殿雖壯麗顯敞苦無曲房 奏曰臣有友項昇浙人也自言能構宫室翌日詔而問 迷樓記店問名 說郭

家女数十以后樓中每一幸有經月而不出是月大夫 璧砌生光瑣寫射日工巧之極自古無有也費用金玉 掩映幽房曲室玉欄朱梢互相連屬回環四合曲屋自 顧左右曰使真仙遊其中亦當自迷也可目之曰迷樓 **が庫為之一虚人誤入者雖終日不能出帝幸之大喜** 通十門萬牖上下金碧金虬伏於楝下玉獸蹲于户傍 何栵進御童女車車之制度絕小祇客一人有機處于 以五品官賜昇仍給内庫帛千疋賞之詔選後官良

金好正是月電

賜之旌其巧也何稠出為人言車之機巧有識者曰此 其中以機礙女之手足女纖毫不能動帝以處女試之 とこのは たら 单也何稍再拜而去帝令 重工繪士女會合之圖數 卿任其巧意以成車朕得之任其意以自樂可名任意 非威滿之器也稠又進轉關中車周挽之可以昇樓閣 極喜召何稠謂之曰卿之巧思一何神妙如此以千金 单何名也稠曰臣任意造成木有名也願賜住名帝曰 如行平地車中御女則自搖動帝又喜悅帝謂獨曰此 窥炸

十面其高五尺而潤三尺磨以成鑑為屏可環於寢所 詣 幅懸于閣中其年上官時自江外得替回鑄烏銅屏 圖萬倍矣又以千金賜上官 時帝日夕沈荒於迷樓盤 鑑中帝大喜曰繪畫得其象耳此得人之真容也勝繪 無睡得婦人枕而籍之方能合目總似夢則又覺今睡 **竭其力亦多倦怠顧謂近侍曰朕憶初登極日多年** 則冥冥不知返近女色則憊何也他日矮民王義上奏 闕投進帝以屏內迷樓而御女於其中纖電皆入於

鱼好四月分言

卷一百十

陛下自數年聲色無數盈滿後宫日夕游宴自非歲節 聲色日近善人陛下精實於內神清於外故日夕無寝 精氣為人之聰明陛下當龍潛日先帝勤儉陛下鮮親 因入貢得備後庭掃除之役陛下特加愛遇臣常自宫 者臣由是竊覽書殿中簡編反覆玩味微有所得臣聞 としにしてい しいよう 大辰何常臨御前殿其餘多不受朝設或引見遠人非 以侍陛下自兹出入卧内周旋宫室方今親信無如臣 曰臣田野廢民作事皆不勝人生於遠曠絕遠之城幸

賞而去陛下享天下之富貴聖親軒逸龍顏鳳姿而不 見兵革此一樂也人生難得支體完備吾身不殘疾此 **叟獨歌舞於磐石之上人詢之曰子何獨樂之多也叟** 時慶賀亦日晏坐朝曾未移刻則聖躬起入後宮大以 有限之體而投無盡之終臣固知其竭也臣聞古者野 自愛重具思慮固出於野叟之外臣義爾微驅難圖報 曰吾有三樂子知之乎何也人生難遇太平世吾今不 樂也人生難得壽各今年八十矣此三樂也問者數

一銀定四年全書

卷一百十下

三たこの早から 成窠隱隱間簫鼓若恩何處多欲泣不成淚悲來翻强 安用也乃復入官宫女無數不得進御者亦極衆後宫 乃命義後官擇一静室而帝居其中女皆不得入居二 右取以進帝乃詩也自感三首云庭絕玉輦迹芳草漸 侯夫人有美色一日自經于棟下臂懸錦囊中有文左 日帝忿然而出曰能悒悒居此乎若此雖壽千萬歲亦 召義詔之曰朕昨夜思汝言極有深理汝真愛我者也 **劝問知忌諱上逆天顏因俯伏泣涕帝乃命引起翌日** 

金分口人名言 **載無復見若王春寒浸入骨獨臥愁空房颯履步庭下** 肯寫昭君自傷云初入承明日深深報未央長門七 處雅遣意云秘洞局仙卉雕寫鎖玉人毛君真可教 姓成云姓成多自惜夢好却成悲不及楊花意春來到 簾時自顰庭極對我有憐意先露枝頭一點春香清寒 不及開花草翻水雨露多看梅二首云砌雪無消日捲 歌庭花方爛漫無計奈春何春陰正無際獨步意如 好谁惜是天真玉梅谢後陽和至散與草芳自在春

欠 己り早から 腸毅然就死地從此歸冥鄉帝見其詩反復傷感帝往 老北堂此方無羽真何計出高牆性命誠所重棄割良 **溥何可量君恩實跳遠妄意徒榜徨家豈無骨肉偏親** 視具尸曰此已死顏色猶美如桃花乃急召中使許廷 幽懷空感傷平日新愛惜自待聊非常色美反成奪命. 乃今廷輔就獄賜自盡厚禮葬侯夫人帝日誦詩酷好 可傷懸帛朱棣上肝腸如沸湯引頸又自惜有若綠牽 日朕向遣汝擇後宫女入迷樓汝何獨故雲此人也 說鄉 亨

三金以上人人人 其文乃今樂府歌之帝又於後官親擇女百人入迷樓 馬因進劑治之仍乞置水盤於前便帝日夕朝望之亦 莫君錫上奏曰帝心脉煩盛與元太虚多飲即大疾生 女数十人入夏帝煩躁日引飲幾百杯而渴不止醫丞 大業八年方士進大丹帝服之蕩思愈不可惻日夕御 將再幸江都有迷樓官人抗聲夜歌云江南楊花謝江 **卒京師氷為之勝費 藏氷之家皆獲千金大業九年帝** 治煩燥之一術也自兹諸院美人各市水為盤以望行

世文とり早ん号 云宫木陰濃燕子飛與東自古漫成悲他日送樓更好 景宫中吐艷戀紅輝歌竟不勝其悲近侍奏無故而悲 歌被衣起聽名宫女問之云孰使汝歌也汝自為之邪 帝提兵號令入京見迷樓太宗曰此皆民膏血所為乃 又歌臣皆不晚帝曰体問他日自知也後帝幸江都唐 宫女曰臣有弟在氏間因得此歌曰道途兒童多唱此 北李花榮楊花雅去落何處李花結果自然成帝開其 歌帝默然久之曰天啓之也天啓之也帝因索酒自歌

非偶然也 重り正人人 **命焚之經月火不滅前謠前詩皆見矣方知世代與亡** 表一百十下

楊素有戰功方貴用事帝傾意結之文帝得疾內外莫 隋煬帝生時有紅光燭天里中牛馬皆鳴先是獨孤后 帝十歲好觀古今書傳至於方樂天文地理伎藝術數 夢龍出身中飛高十餘里龍墮地尾朝斷以告文帝帝 とこりられたち 無不通晓然而性褊急陰賊刻忌好鉤索人情深淺時 久曰是兒極貴恐破吾家自兹雖愛帝而亦不快於帝 沈吟默塞不答帝三歲戲於文帝前文帝抱之玩視甚 海山記唐明名 规率 1

待之當自有計素入問疾文帝見素起坐謂素曰吾常 者君也乃私敢素手曰使我得志我亦終身報公素曰 立吾兒勇為帝汝倍吾言吾去世亦殺汝此事吾不語 自惟不免此疾不能臨天下汝立吾族中人吾不諱汝 親鋒刀冒矢石出入生死與子同之方享今日之貴吾 左右曰召吾兒勇哚乃氣哽塞回面向之不言素乃出 人素曰國本不可屢易臣不敢奉詔文帝忿懑乃大呼 有知者帝坐便室召素謀曰若國之元老能了吾家事

卷一百十下

えんこうふ ノバト 小兒子吾已提起教作大家即不知了當得否素恃有 扶接帝帝援之乃上百官莫不嗟嘆素歸謂家人輩曰 帝上殿帝足弱欲倒者数四不能上素下去左右以手 主謂百官曰大行遺詔立帝有不從者裁於此左右扶 喉中呦呦有聲帝拜素曰以終身累公素急入帝已崩 語帝曰事未可更待之有項左右出報素曰帝呼不應 矣乃不發喪明日素相遺詔立帝時百官猶未知素執 功見命多呼為郎君時宴內宮宮人偶覆酒污素衣 說鄉

素輔請而抑之由是愈有害素意會素死帝曰使素不 坐赭傘下風骨秀異堂堂然帝大忌之帝多欲有所為 贼吾欲立勇汝竟不從吾言令必殺汝素騰呼入室名 死夷其九族先素欲入朝出見文帝執金鉞逐之曰此 帝自素死益無憚乃闕地周二百里為西苑投民力常 子弟二人而語曰吾必死矣出見文帝語不移時素死 素釣魚於池並坐左右張傘以逃日帝起如厠回見素 怒叱左右引下加撻馬帝頗惡之隱忍不發一日帝與

銀定四月全書

1

a) a Donal Della 迎晔二棲鸞三晨光四明霞五翠華六文安七積珍八 宮中住魔謹厚有容色美人實之每一院選帝常幸御 影紋九儀鳳十仁智十一清修千二寶林十三和明十 魚蟲莫知其數此不具載詔定西花十六院名景明 者為之首每院有宦者主出人易市又鑿五湖毎湖四 下境内所有鳥獸草木驛至京師天下共進花木鳥獸 四綺陰十五降陽十六皆帝自製名院有二十人皆擇 百萬內為十六院聚巧石為山鑿地為五湖四海詔天 视邦 Ī

草沒搖情影走金蛇偏稱泛靈樣光景好輕彩望中 水湖中日廣明湖湖中積土石為山構亭殿屈曲環逸 清露冷使銀兔影西風吹落桂枝花開宴思無涯 <u>L</u> 山效達來方丈瀛洲上皆臺樹迴廊水深數丈開溝通 望江南八関云 澄碧皆窮極人間華麗又鑿北海周環四十里中有三 湖北海溝畫通行龍鳳柳帝多泛東湖因製湖上曲 湖上月偏照列仙家水浸寒光鋪枕

方十里東口翠光湖南口迎陽湖西口金光湖北口潔

卷一百

卸好四样全意

片有時敵竹户素華 無韻入澄波望外玉相磨 湖水遠 飛崎雪暖風時幽意更依依 堪作醉人菌無意觀香衾睛霽後顏色一般新游子不 天地色相和仰面莫思深苑賦朝來且聽玉人歌不醉 煙雨更相宜環曲岸陰覆畫橋低線拂行人春晚後絮 歸生滿池佳人遠 意寄青春 留咏卒難伸 柳煙裏不勝推宿霧洗開明媚眼東風搖弄好腰枝 如何 湖上草碧翠浪通津修帶不為歌舞緩濃鋪 礼祁 湖上雪風急墮還多輕 手八

とこつられたい

暖添華清賞思何縣 水浸靈芽淺蕊水邊与玉粉濃苞天外剪明霞只在 仙家開爛漫挿鬢若相遞水殿春寒幽冷艷玉軒睛 金殿侣相將盡是米連人清唱謾頻頻軒內好嬉戲下 姐寒醉眼暗相看春殿晚仙艷奉益盤湖上風光真可 龍洋玉管朱經間盡夜踏青關草事青春玉輦從羣真 **螳醉鄉天池就中宽帝主正清安** 湖上酒終日助清軟檀板輕聲銀甲緩略浮香米玉 湖上女精選正輕鱼猶恨乍離

鱼好四人全世

中斜日煖搖青翠動落花香暖聚紋紅蘋末起清風閒 植長松高柳帝多幸死中去來無時侍御多夾道而宿 業六年後乾草本鳥獸繁息茂風桃溪李狸翠陰交合 遠意更重重帝常遊湖上多令宫中美人歌唱此曲大 **輩升海山是時月色朦朧晚風輕軟浮浪無聲萬籟俱** 縱目魚躍小連東泛泛輕搖崩棹穩沉沉寒影工仙官 帝往往中夜即幸馬一夕帝沒舟遊北海與宦人十數 たこのをいち 金猿青鹿動辄成犀自大內開為御道直通西苑夾道 规邦

帝幼年與後主甚善乃起迎之後主再拜帝亦鞠躬勞 美人泊至首一人先登費唱陳後主謁帝帝亦忘其死 金岁四人人 陛下富有四海令人欽服始者謂帝將致理於三王之 謝既坐後主曰憶昔與帝同隊遊戲情愛甚於同氣今 **寂恍惚間水上有** 詩上帝詩曰隋室開茲水初心謀太赊一千里力役百 開隋渠引洪河之水東遊維揚因作詩米奏乃探懷出 上今乃甚取當時之樂以快生平無甚美事開陛下已 小舟祇容兩人帝謂為十六院中 尽一百十下

たこり日とう 為後人之利帝怒叱之後主日子之壯氣能得幾日其 年呉公臺下相見乃沒於水際帝方悟其死乙然不自 終始更不若吾帝乃起逐之後主走曰且去且去後 槎人喧舟儀岸風細錦帆斜莫言無後利干古壯京華 噴黃沙兩人迎客至三月柳飛花日脚沈雲外榆梢噪 萬民吁嗟水殿不復返龍舟成小瑕溢流隨陡岸濁浪 **瞧鴉如今遊子俗異日便天家且樂人間景休尋海** 觀詩拂衣怒曰死生命也與亡數也爾安知吾問 紀都

院中楊梅一夕忽爾繁盛帝喜問曰楊梅之茂能如玉 亦自見玉李繁茂後梅李同時結實院妃米獻帝問二 李予或曰楊梅雖茂終不敵玉李之盛帝往兩院觀之 奏曰木德來助之應也又一夕晨光院周夫人來奏云 色所進玉李一夕忽長清陰數畝帝沉默甚久曰何故 知驚悸移時一日明霞院美人楊夫人喜報帝曰酸棗 金分口尼石章 而忽沒夫人云是夕院中人聞空中若有干百人語言 云李木當茂泊脱看之已茂風如此帝欲伐去左右或 卷一百十下

たこりをとう 魚之額朱字尚存惟解字無半尚隱隱角字存局蕭后 死中人多好玉李帝數曰惡梅好李豈人情哉天意平 果孰勝院妃曰楊梅雖好味頗清酸終不若玉李之甘 解生字以記之乃放之北海中後帝幸北海其鯉已長 愛帝問漁者之姓姓解未知名帝以朱筆於魚額上題 州異乎一日洛水漁者獲大鯉一尾金鱗赭尾鮮明可 後帝將崩揚州一日院妃報楊梅己枯死帝果崩於揚 丈餘浮水見帝其魚不沒帝與蕭后及諸院妃嬪同看 凯郭 克

榻下帝遊湖海回多宿十六院一夕帝中夜潛入棲鶯 方清醒帝曰汝夢中何故而如此慶兒曰妄夢中如常 院時夏氣暄煩院妃慶兒卧於簾下初月照軒頗明朗 甚敏帝尤爱之常從帝遊終不得入官曰爾非宫中物 之魚乃沈大業四年道州百矮民王義眉目濃秀應對 慶兒睡中驚魔若不政者帝使義呼慶兒帝自扶起久 也義乃自官帝由是愈加憐愛得出入内寢義多即御 曰鯉有角龍也帝曰朕為人主豈不知此意遂引弓射

金灯四月月

臣整頓西苑以待來與之來西苑風景臺殿如此陛下 一成者也大業十年 幸江都被弑帝入第十院居火中此 火ビコヤム 六院皆隨行西苑令馬守忠別帝曰願陛下早還都輦 又華麗仍長廣於前舟江都來進帝東幸維楊後官十 覺帝自强解曰夢死得生火有威烈之勢吾居其中得 火發妄乃奔走回視帝坐烈焰中驚呼人放帝久方睡 **其應也龍舟為楊玄感所燒後物揚州刺史再造制度** 范邦

時帝握妄臂遊十六院至第十院帝入院坐殿上俄時

為吾好看西苑無今後人笑吾不解裝景趣也左右甚 豈不思戀舍之而遠遊也又泣下帝亦愴然謂守忠曰 水其歌者至晚不得其人帝頗榜徨通夕不寐揚州朝 幽 饑路糧無些小前去三千程此身安可保寒骨枕荒沙 遼東餓死青山下今我挽 龍舟又困隋隄道方今天下 疑詩帝御龍舟中道夜半聞歌者甚悲其解曰我兄征 此無主死引其孤魂回負其白骨歸帝聞其歌遽遣人 **魂泣煙草悲損門内妻望斷吾家老安得義男兒焚** 

金グロ人人

文とり早か 省言而不告我也義泣對曰臣遠方廢氏得蒙上貢自 急恐禍起旦夕願陛下遽修德滅之帝不樂乃起入便 殿按膝俛首不語顧王義曰汝知天下將亂乎汝何故 數日帝亦微識玄象多夜起觀天乃召太史今袁克問 世称已去意欲逐辛永嘉羣臣皆不願從帝未過害前 **貢物帝猶與摩臣議詔十三道起兵該不朝貢者帝却** 曰天象如何克伏地泣涕曰星丈大惡賊星逼帝座甚 百官天下朝貢使無一人至者有米者在遙遭兵奪其 說鄉

· **百臣本侏儒性尤蒙滯出入左右積有歲華濃被聖私** 皆踰素望侍從東與周旋臺閣臣雖至鄙酷好窮經 何不早告我也義曰臣不早言言即臣死久矣帝乃泣 知善惡之本源少識與亡之所以還往民間周知利害 本南楚早溥之地逢聖明為治之時不愛此身願從 下曰卿為我陳成敗之理俾朕知也翌日義上書云臣 今日履霜堅氷其米久矣臣料大禍事在不政帝曰子 入深宫久膺聖澤又常自宫以近陛下天下大亂固 嬩

金少せん人

卷一百

次足山車全書 · 厭人之肉為魚食人之餘臭聞千里 情稿高原膏血草 遂令四方失望天下為墟方令有家之村存者可數子 第死于兵役老弱困于逢嵩兵屍如嶽餓孳盈郊狗頭 虚穀栗湧貴乗與竟往行幸無時兵人侍從常踰萬人 窮乎山谷征逸者百不存十殁葬者十未有一帑藏全 東龍舟踰於萬艘宮閼徧于天下兵甲常役百萬士民 獨斷諫謀莫從獨發廥謀不容人獻大與西苑兩至遼 深家顧問方敢敷陳自陛下嗣守元符體臨大器聖神 記郷

過從何得聞方今又敗 遼 即再 幸東土社稷危於春雪 **苦何多饑荒尤甚亂離方始生死孰知人主愛人一** 順首迎合帝意造作拒諫皆出此途乃逢富貴陛下惡 如此陛下恒性毅然孰敢上諫或有鯁言又令賜死臣 下相顧箱結自全龍逢復生安敢議奏左右近臣阿諛 野狐犬盡肥陰風無人之虛鬼哭寒草之下目斷平野 干戈遍於四方生民已入塗炭官吏猶未敢言陛下自 千里無煙萬民剝落莫保朝昏父遺幼子妻號故夫狐

卷一百

當此時如何自處陛下雖欲發憤修德特加愛民聖慈 火足四年入香 書延頸待盡常省義奏曰自古安有不心之國不死之 主乎義曰陛下尚猶蔽飾已過陛下常言吾當跨三皇 忌諱事忽至此安敢不言臣令不死後必死兵敢獻此 前一木不能支洪河已決判壤不能救臣本遠人不知 銷鑠陛下欲與師則兵吏不順欲行卒則侍衛莫從適 惟若何為計陛下欲幸永嘉坐延歲月神武威嚴一何 雖切救時天下不可復得大勢已去時不再來巨厦之 1 說那 四二

養汝吾無負汝汝何負吾帝常所卒朱貴兒在帝修謂 戡曰三日前帝應侍衛秋寒詔宫人悉絮袍褲帝自臨 時中夜聞外切切有聲 帝急起衣冠御内殿坐未久左 生也今既具奏願以死謝也天下方亂陛下自爱少選 復回都輦丹帝乃泣下再三嘉歎義曰臣昔不言誠爱 超五帝下視商周使萬世不可及今日其勢如何能自 右伏兵俱起司馬戡攜刀向帝帝叱之曰吾終年重祿 報云義自刎矣帝不勝感傷命厚葬為不數日帝遇害

金りで人人

及一百十下

兵所殺 とこのおから 天子子戡進吊帝入內閣自經貴兒猶大罵不息為亂 剱工殿帝復叱曰汝豈不知諸侯之血入池尚大旱况 叛二京已為賊據陛下歸亦無終臣生亦無門臣已虧 臣節雖欲復己不可得也願得陛下首以謝天下乃攜 敢逼看來與乃大罵戲我日臣實負陛下但今天下俱 視造數十袍兩日畢工前日賜公等豈不知也爾等何 說那

